

# 1 KOLIN

## Pol Mij Ned Ak Kolin Binib Kilop Tikak

**1** Yad Pol. God niñid yip aglek, bi Klays Jisas takaw nop dad ameb ak midebin. Miñil mam chin Sostenes ayip midil, **2** chil mij anib ak ñu kil tikobul. Tikil, nibi God binib ne taun Kolin pelpel apnan gipim ak nibop ñobun. God ne ke nibop binib suntep yad yelañ agil dinig nim, Klays Jisas nop agyokek apil gek, binib suntep ne midebim. Nibop ayip, binib man okok midupsek kili Biawl chin Jisas Klays nop agniñid yib nop dad aplanebal okok ayip, nibop binib yad aglak. Jisas Klays, ne Biawl kili ak midil, Biawl chin ak abe mideb.

**3** Bapi God chin ayip Biawl Jisas Klays ayip, bi apilminal anib ak nibop yimug niñid gittep gel midtep ginimib.

### *Pol God nop tep agup*

**4** Pen God ne nibop gek, Klays Jisas chigil midem nibop yimug niñid gittep gup. Anib ak niñid, yad God nop pel tep apin. **5-6** Nibop Klays takaw nop ak agñilig agonok nepek tek gup. Anib ak nibi Klays nop chigil midem, God ne nibop ditep yibil gup. Gek, takaw ne midupsek agñi tep gil, gos ne midupsek nigtep gipim. Anib ak niñid, yad God nop pel tep apin. **7** Anib ak tek nibi Biawl

**1:2** Apo 9.14, 18.1, 18.17, Lom 1.7, 10.12, 1 Ko 6.11, 2 Ti 1.9      **1:3**  
Lom 1.7, 2 Ko 1.2      **1:5-6** 1 Ko 2.1-2, 12.8, 2 Ko 8.7, 2 Ti 1.8, Lep 1.2

**1:7** Luk 17.30, Plp 3.20, 2 Te 1.7, Tat 2.13, 2 Pi 3.12

chin Jisas Klays tep adikid miseñ ownigab agil kod midebim ñin awl, God Kawnan ne ak nibop ditep yibil gaknij, tap ne olap ma tek dup. <sup>8</sup> Jisas ne nibop kiles ne ak ñek kiles yibil yenigabim. Kiles midil, mid dad amil, ñin kidek ak ownigab ak nim, Biawl chin Jisas Klays ñin awl ne ak apek takaw oginap ma dinigabim. <sup>9</sup> God ne nibop suk agil, ñine Biawl chin Jisas Klays ayip di jimñil lak. Pen chin nopun, God agak tek midupsek ginigab.

*Kolin binib Klays yıl yelak okok, kili asik keke midebal*

<sup>10</sup> Mam ay sikop, kiles gil agnijid agebin. Biawl chin Jisas Klays yıl midebim ak, nibi midupsek takaw nokom olap gos ninjid aginimib. Takaw oginap agil asik keke ma linimib. Jimñil midil, gos nokom ninjid chin ayip tap nokom ginigun agil gos niginimib. <sup>11</sup> Mam ay yad okok, bin Klowes binib ne okok apil yip ninjid anib apal, Penpen agil midebim apal. <sup>12</sup> Pen yad agebin ak, anib agebin. Nibi oginap apim, Pol bine midebin apim. Pen oginap apim, Apolos bine midebin apim. Pen oginap apim, Pita bine midebin apim. Pen oginap apim, Klays bine midebin apim.

<sup>13</sup> Titay dup? Apim anib ak Klays nop tig asik keke lipim tek lup. Yad Pol mab bak alan chipil pak tibik lel nibop nen agil kumnek akan, yib yip Pol agil ñig pakñibek? Mel yibil. <sup>14</sup> Pen am nib ayip yeneñ ñin ak, Klispus ayip, Gayus ayip kilop nep

---

**1:8** Plp 1.6, Kol 1.22, 1 Te 3.13, 5.23    **1:9** Ais 49.7, Jon 17.21, 1 Ko 10.13, 1 Te 5.24, 1 Jo 1.3    **1:10** Lom 12.16, 2 Ko 13.11, Plp 2.2, 3.16, 1 Pi 3.8    **1:12** Jon 1.42, Apo 18.24-28, 19.1, 1 Ko 3.4    **1:14** Apo 18.8, 19.29, Lom 16.23

ñig pakñinek. Nibop olap ma ñig pakñinek. Anib ak God nop tep apin. **15** Nibop ma ñig pakñinek anib ak tek, yokip ak nibi olap Pol yib nop agil ñig pakinok apikep tek lup. **16** Pen sawl gipin. Stepanas binib ne okok kilop abe ñig pakñinek. Binib oginap sek ñig pakñinek akan, yad ma nepin. **17** Niñid apin. Klays yip agyokil, binib okok kilop ñig pakñinimin agil ma agak. Agyokil, kilop takaw teplep ak agñinimin agak. Pen agñilig, bi oginap chin nep gos tipagil nopun agil apal tek ma apin. Takaw anib ak anigil agen, Klays mab bak alan kumak takaw ak, takaw yokip olap tek lek, binib okok ma dipilap tek lup.

*Klays ne God kiles ak sek mideb, ne God gos nigtep gup ak sek mideb*

**18** Niñid apun, binib mab ke yineb amnig gi midebal okok, kili Klays mab bak alan kumak takaw ak niñid, sawl takaw agebal agil keligipal. Pen chinop binib God tig asik di mideb okok, chin takaw anib ak niñid, ne ke yibil niñid gup agil nopun. **19** Adek anib ak buk Baybol ak tikil agak, Binib gos tipagil nopun apal okok, gos kilop gen kul ginigab agil tikak. Binib gos nigep midebal okok, gos kili ak keligil ma dinigayn agil tikak.

**20** Anib ak bi gos nigep okok niñid, tay agobun? Bi kili Mosis takaw nu kıl tikak ak nigtep gep okok niñid, tay agobun? Bi lum awl takaw titay ag amil apil gipal okok niñid, tay agobun? Gos teplep kili

---

**1:16** 1 Ko 16.15    **1:17** Mat 28.19, Jon 4.2, 1 Ko 2.1, 2.4, 2.13, 2 Pi 1.16    **1:18** Apo 17.18, Lom 1.16, 1 Ko 2.14, 15.2, 2 Ko 4.3    **1:19** Ais 29.14, Jer 8.9    **1:20** Jop 12.17, Ais 19.12, 33.18, 44.25, Mat 11.25, Luk 10.21, Lom 1.20-21, 1.28

nepal ak lum awl, God ne niñid gek, sawl takaw tek lek, písnep apyap pakup. **21** God ne ke gos nigtep gup tek, ne nigup, binib lum awl gos chin ke okok niginigun agil ke nep piyow nepal okok, ne bi tay tek agil ma niginigel tek lup. Anib ak tek ne ke ginig nig lak tek, binib kili takaw ne agñibun ak niñid, anib apal, Takaw sawl sek apal. Pen takaw anib ak agñon, binib okok kili niñid nop gos linigel, kilop tik asik dup. **22** Juda binib okok kili tap mageptek niginigun agil gos nepal, binib Juda mel okok kili gos teplep adek ak niginigun agil pel piyow nepal. **23** Chin pen Klays mab bak alañ chipil pak tibik lel kumak takaw ak agñibun. Agñon, Juda binib okok niñid, takaw yilik gup ak chin niñid apyap pakinigun agil gos nepal. Pen binib Juda mel okok niñid, takaw sawl ak ma niginigun agil gos nepal. **24** Binib pen God kilop suk agil dak okok, Juda binib ayip binib Juda mel ayip, kili niñid anigil nepal, Klays ne God kiles ak sek mideb, ne God gos nigtep gup ak sek mideb. **25** Binib lum awl midebal okok, kili anigil gos nepal, God gos ne ognap sawl sek mideb. Pen gos ne ak midupsek awl yibil teplep yibil mideb, binib gos nigep kili ak sikol yibil gup. Pen kili abe gos nepal, God titay gup okok, ognap niñid chin nopun, God kiles ma mideb. Pen kiles ne ak midupsek awl yibil mideb, binib kiles kili ak sikol yibil gup.

**26** Mam ay sikop, ned God nibop suk agil dak

**1:21** Mat 11.25, Luk 10.21, Lom 1.20-21, 1.28    **1:22** Mat 12.38, Mak 8.11, Jon 4.48, Apo 17.18, 17.32    **1:23** Ais 8.14, Mat 11.6, Jon 6.60, 6.66, Lom 9.32, 1 Ko 2.14, Gal 5.11    **1:24** Lom 1.4, 1.16, 1 Ko 1.18, Kol 2.3    **1:25** 2 Ko 13.4    **1:26** Mat 11.25, Jon 7.48, Jem 2.1-5

ñin ak, gos nigtep ginimib. Ñin anib ak, nibi kuñay yibil, binib gos lum awl nigtep yibil gipal okok ma yeligiþim. Nibi kuñay yibil binib kiles midil yib yek okok ma yeligiþim. Nibi kuñay yibil nonim nap yib awl yoligup okok ma yeligiþim. <sup>27</sup> God pen anigil gos nigak, binib gos lum awl nigtep yibil gipal okok kilop gek nebeñ dinigel. Anib ak tek binib sawl sek apal okok kilop aglil dak. Pen anigil gos nigak, binib kiles midil lum awl yib yek midebal okok kilop gek nebeñ dinigel. Anib ak tek binib kiles ma mideb apal okok kilop aglil dak. <sup>28</sup> Pen anigil gos nigak, binib awl yib yek midebal okok, kilop gek yokip yibil yenigel. Anib ak tek binib lum awl tam okok yib ma mideb apal okok kilop aglil dak. <sup>29</sup> Anigup ak nim, binib olap God wiðin midup adek ak, yib ke dad aplanigel tek ma lup. <sup>30</sup> God ne ke nibop gek, Klays Jisas ayip chigil midebim. Pen Klays nop gek, ne gos nigtep gep chin ak jij mideb. God Klays nop agek chinop gek, agak tek kidek gil binib suntep ne midil, chinop pisnep dek kim amobun. <sup>31</sup> Takaw adek anib ak, buk Baybol ak tikil agak, Binib miñmiñ ginigun agil, God gup tek niñid, miñmiñ gil God yib nop dad aplanigel agil tikak.

## 2

*Pol gos ne ke ma dil, God Kawnan gos nop ak dil agñub*

<sup>1</sup> Pen mam ay sikop. Am nib ayip yeneñ ñin ak, God takaw ne we gil yoligup ak agñin agil, takaw

---

**1:27** Mat 11.25, Jem 2.5  
23.5-6, Jon 17.19, 2 Ko 5.21

**1:29** Lom 3.27, Epe 2.9  
**1:31** Jer 9.23-24, 2 Ko 10.17

**1:30** Jer  
**2:1** 1  
Ko 1.17

teplep okok b̄i gos nigep apal tek ma aginek. <sup>2</sup> Yad anigil gos niginek, n̄ib ayip midil, tap olap ke gos ma nigin. Jisas Klays, ne mab bak alaŋ kumak nokom nim gos nigin agil niginek. <sup>3</sup> Pen n̄ib ayip yenek ñin anib ak, kiles ma midil, jepjep dilig pilikil yenek. <sup>4</sup> Binib oginap gos tep kili ke piyow niñid, takaw yidek adip adip adek anib ak nep agun agil gipal tek ma ginek. God Kawnan ne ak wog kiles gil, yip gos ñakniñ takaw ne agñinek ak nim, misen tek lak. <sup>5</sup> Anigek, God kiles ne ak nibop gakniñ, Klays nop gos liniginimib tek lup. Nibi pen binib gos nigep adek ak nigilig, Klays nop gos liniginimib tek ma lup.

### *God Kawnan ne nokom chinop gos teplep ñub*

<sup>6</sup> Pen chin binib God nop chig tep gipal okok niñid, kilop gos teplep yibil ak agñibun. Pen gos teplep anib ak, lum awl gos tep ak mel. Biawl lum awl midebal okok, gos tep kili ak abe mel. Kili apyap pakinigebal. <sup>7</sup> Gos teplep yibil chin agñibun ak, God gos ne ak we gil yoligup. Bilel bilel God man ma alwol gilak ñin ak, gos ne ke niñid chinop aglak. Aglil agak, Kili yad ayip midil, midtep ginigel agak. Pen bilel n̄ib mid dad apil, gos teplep yibil anib ak we gil yek, chin midupsek ma nigoligipun. <sup>8</sup> Biawl miñil ñin awl midebal okok midupsek, gos anib ak ma yibil nepal. Nepilap tek, Biawl yib awl mideb ak nop mab bak alaŋ chipil ma pak tibik lipilap. <sup>9</sup> Chin pen anigil agobun ak, takaw anib

---

<b>2:2</b> Gal 6.14, Plp 3.8	<b>2:3</b> Apo 18.9, 2 Ko 10.1	<b>2:4</b> Lom 15.19, 1 Ko 1.17, 1 Te 1.5, 2 Pi 1.16
<b>2:5</b> 2 Ko 4.7, 6.7	<b>2:6</b> 1 Ko 1.28, Epe 4.13, Plp 3.15, Hib 5.14	<b>2:7</b> Lom 16.25-26, Epe 3.5, 3.9, Kol 1.26, 2 Ti 1.9
<b>2:8</b> Luk 23.34, Jon 7.48, Apo 13.27, 2 Ko 3.14	<b>2:9</b> Ais 64.4	

ak buk Baybol migan ayan mideb. Anigil tikil agak, Tap okok binib wiđin ma yibil nigilak ak, timud ma yibil nigilak ak, gos ma yibil nigilak ak, tap teplep anib okok God ne dilitep gil, binib God nop mapen lipal okok kilop ñinigab agil tikak. <sup>10</sup> Tap anib okok takaw ak we gil yoligup ak pen, God ne Kawnan ne ak agyokek apil, tap anib okok misen linimun agil, chinop gos ñek nopus. God Kawnan ne ak tap okok midupsek piyow niñid, God gos ne we gil mideb ak nigtep gup. <sup>11</sup> Bi olap gos titay nigup ak, binib okok gos anib ak ma nepal. Mel. Bi anib ak, bipil nab ne ayan mideb ak nep gos anib ak nigup. Anib ak nep tek, God gos titay nigup ak, binib okok gos anib ak ma nepal. God Kawnan ne ak nep gos anib ak nigup. <sup>12</sup> Chin pen kawnan lum awl nib olap ma dipun. God ne Kawnan ne ak agyokek dipun ak nim, tap teplep yibil chinop monmon ñub ak nigtep gipun. <sup>13</sup> Chin tap teplep yibil anib okok gos niñid agobun ak pen, bi gos tipagil nepal okok agñel niñid ma agobun. God Kawnan ne ak chinop gos ñek takaw anib ak agobun. God Kawnan ne ak takaw agup ak niñid dil, binib God Kawnan ne sek midebal okok kilop agñobun.

<sup>14</sup> Pen binib God Kawnan ne sek ma midebal okok, God Kawnan tap teplep ne ak ma dipal. Tap teplep anib ak tap yokip agil gos niñid, nigtep ginigel tek ma lup. Binib pen God Kawnan ne sek midebal okok, kilop gos ñakniñ, tap teplep anib okok tig asik lil nigtep ginigel tek lup. <sup>15</sup> Binib olap

---

**2:10** Mat 13.11, 16.17, Jon 14.26, 1 Jo 2.27    **2:11** Snd 20.27, Jer 17.9, Lom 11.33-34    **2:12** Jon 16.13-14    **2:13** 1 Ko 1.17, 2.4, 2 Pi 1.16    **2:14** Mat 16.23, Jon 8.47, 14.17, Lom 8.5-7, 1 Ko 1.18, 1.23  
**2:15** 1 Te 5.21, 1 Jo 2.20, 4.1

God Kawnan ne sek mideb ak, tap okok midupsek tig asik lil nigtep gup. Binib yokip okok pen binib anib ak nop ninjd, ne anigup ak tig asik lil nigtep ginigel tek ma lup. <sup>16</sup> Buk Baybol ak tikil anib agak, Binib an tek Biawl gos timud ne ak anigil mideb aginigab agil tikak? Binib an tek nop gos timud wukinigab agil tikak? Bi anib ak tek olap ma mideb. Chin pen, Klays gos ne ke dil nigtep gipun.

### 3

#### *Chin bi God wog giñeb ne midobun okok*

<sup>1</sup> Mam ay sikop. Yad nibop takaw agñinek ak, binib God Kawnan ne sek midebal okok kilop agñinek tek nibop ma agñinim tek lak. Mel. Binib tap lum awl yil gos nigliak okok akan, binib ñapay ñaj Klays nop gos nigliak tek okok, kilop agñinek tek nibop agñinek. <sup>2-3</sup> Ñapay ñaj tul ñiñeb tek ak midebek, binib awl tap ñibal tek ma midebek. Anib ak bin kili ñapay ñaj tul ñibal tek nibop agñinek. Nibop God takaw oginap agñinek, oginap agñen ma niginimb tek lak ak ma agñinek. Midobun ñin awl abe, tap lum awl yil gos nigliig yibil midebim tek, God takaw oginap agñen niginimb tek ma lup. Anib apin, nibi mam ay okok kilop nigem chibol nibop ak timel gil, milik yapek penpen agil midebim. Pel anigipim ak yad nepin, tap lum awl yil gos nigliig yibil midil, binib lum awl okok gipal tek gipim. <sup>4</sup> Bi nibi olap agup, Yad Pol bine midebin agup. Pen bi nibi olap agup, Yad

---

**2:16** Jop 15.8, Ais 40.13, Jer 23.18, Jon 15.15, Lom 11.34      **3:1**  
 Jon 16.12, 1 Ko 2.14-15      **3:2-3** Jon 16.12, 1 Ko 1.10-11, 11.18, Gal 5.20-21, Hib 5.12-14, Jem 3.16, 1 Pi 2.2      **3:4** 1 Ko 1.12

Apolos bine midebin agup. Nibi anib apim ak yad nepin, nibi binib lum awl okok gipal tek gipim.

<sup>5</sup> Pen nigtep ginimib. Apolos ne bi an? Yad Pol, yad bi an? Chil bi omijal bi wog giñeb midobul. Biawl ne chilop aglek, wog keke aglak tek gipul. Pen wog nop ak giñol niñid, nop gos linepim. <sup>6</sup> Yad tap yin yimnek tek ginek, Apolos ne ñig mal dap tap yimnek anib ak sogak tek gak. God pen ne nokom gek tap jakup. <sup>7</sup> Anib ak bi tap yin yimub ayip, bi ñig sogup ayip, omijal gil bi yokip yib awl ma midebil. God gek tap jakup ak pen, ne ke nokom yib awl mideb. <sup>8</sup> Binib tap yin yibal okok binib ñig sopal okok, wog nokom yibil gipal. Pen nokom nokom wog gipal tek niñid, kilop nokom nokom tap tep pen ñinigab. <sup>9</sup> Chilminjal God wog ak jimñil gilig midobul. Nibi God wog day ne tek midebim. Pen abe God kal ne tek midebim.

<sup>10</sup> God ne yip yimug niñid gittep gek, bi kal gep gos teplep yibil mideb tek midebin. Anigil midil, kal meg awl nab ayan ak punjilen, bi olap apil dayday mideb okok kidek geb. Pen binib apil kal anib ak ginig, kili keke nigtep gil ginigel. <sup>11</sup> Nib nepim, God ne Jisas Klays nop dil, kal meg awl nab ayan pisnep punjilak. Nop pisnep punjilek, binib olap tigju yokil, kideyil olap punjilinimuñ tek ma lup.

<sup>12</sup> Pen kal dayday yek gebal ak, binib oginap tap gol dil gebal akan, oginap silpa dil gebal akan,

---

**3:6** Apo 18.4-11, 18.24-28, 19.1, 1 Ko 1.30, 2 Ko 3.5, 10.14-15      **3:7**  
 2 Ko 12.11, Gal 6.3      **3:8** Lom 2.6, Gal 6.4-5, Lep 22.12      **3:9** Mat  
 13.3-9, Apo 15.4, 2 Ko 6.1, Epe 2.20-22, Hib 3.3-4, 1 Pi 2.5      **3:10**  
 Lom 15.20, 1 Ko 4.15, 15.10, 1 Pi 4.11, 2 Pi 3.15, Lep 21.14      **3:11**  
 Ais 28.16, Mat 16.18, 2 Ko 11.4, Gal 1.7, 1 Pi 2.4-6

oginap kab teplep yibil dil gebal akanj, oginap mab dil gebal akanj, oginap bopil dil gebal akanj, oginap sid dil gebal. <sup>13</sup> Pen kidek God kot awl gep nin ak, binib midupsek wog titay gipal ak misenj linigab. Nin anib ak apil sup nek wog gebal anib okok midupsek yinek, keke bilok niginigel, tep mideb akanj mel. <sup>14</sup> Binib an kal day wog gek, ma yinil midtep yenigab, God nop tap teplep pen ninigab. <sup>15</sup> Pen binib an kal day wog gek, pisnep yin pag yowenigab, God nop tap teplep pen ma ninigab. Bi anib ak, nop timel gek kul ma ginigab ak pen, ne mab yineb nab ayan yek adikid dipal tek yinigab.

### *Nibi God kal ne ak midebim*

<sup>16</sup> Nibi God kal ne ak midebim, Kawnan ne ak nibop migan ayan mideb. Tap anib ak ma nepim akanj? <sup>17</sup> God kal ne ak, ne aglek kal suntep ne ke mideb. Pen nibi kal ne anib ak midebim. Anib ak bi an God kal ne ak gi timel genigab, nop pen abe gi timel ginigab.

### *Chin ke binib gos nigep midobun agil ma aginimb*

<sup>18</sup> Nibi ke takaw yepis aginimb tek lup anib ak, nigtep ginimb. Bi nibi olap, ne gos tep lum awl ak ninjd, bi gos nigep midebin agil gos nigup nim, ne ned bi sawl sek tek yonimuñ. Anigenigab, kidek ne bi gos nigep ak yenigab. <sup>19</sup> Chin nopun, binib lum awl gos teplep tek agil nepal okok, God nigek binib gos sawl sek lipal. Buk Baybol ak tikil anib agak, Bi oginap chin bi gos nigep midobun ak, gos chin ak ke ninjd binib kilop yepis aginigabun agil

**3:13** Luk 2.35, 1 Ko 4.5, 2 Te 1.7-10, 1 Pi 1.7, 4.12    **3:16** 1 Ko 6.19,  
2 Ko 6.16, Epe 2.21-22, Hib 3.6, 1 Pi 2.5    **3:18** Snd 3.7, Ais 5.21

**3:19** Jop 5.13, 1 Ko 1.20, 2.6

gos nepal agil tikak. Anigil gos nepal ak pen, God ne gos kilop gek, gon tek kilop dinigab agil tikak. **20** Pen takaw olap sek tikil agak, Bi gos nigep okok, Biawl ak ne gos kili ak nigup agil tikak. Pen anigil nigup, gos kili ginigun agil gos nepal ak, jij olap ma mideb yokip yibil yenigab agil tikak. **21** Anib ak nibi binib oginap kilop, binib awl midebal agil yib kilop dad ma aplanimib. Yad nepin, tap okok midupsek tap nibi. **22** Pol akan, Apolos akan, Pita akan, lum awl akan, pel midep akan, kumeb akan, tap okok miñil mideb akan, kidek yenigab ak, tap okok midupsek tap nibi. **23** Pen nibi Klays binib ne midebim, Klays ne God bine mideb.

## 4

*God ne ke bi wog giñeb ne okok wog kili bilokil nigup*

**1** Anib ak binib kili chinop niñid, anigil gos niginigel, chin Klays bi wog giñeb ne ak midil, God takaw ne we gil yoligup ak kod midil agñibun. **2** Pen bi wog giñeb okok, monmon ginigel tek ma mideb, biawl kili ak agilak tek nep ginigel. **3** Anib ak tek nib akan, bi oginap nibi yip tig asik lil aginigabim, Ne monmon gup aginigabim ak, yokip aginigabim. Yad abe, tap yad gipin ak niñid tig asik ma lipin. **4** Niñid apin, yad ke tap timel ma gipin agil gos nepin ak pen, yad bi tep midil tap timel ma gipin apin ak ma aginim. Mel. Biawl ne ke yip tig

---

**3:20** Sng 94.11    **3:21** 1 Ko 1.12, 3.4-6, 2 Ko 4.5, 4.15    **3:23** Lom 14.8, 1 Ko 11.3, 2 Ko 10.7, Gal 3.29    **4:1** Luk 12.42, 1 Ko 3.5, 2 Ko 6.4, Tat 1.7, 1 Pi 4.10    **4:2** Luk 12.42    **4:4** Jop 9.2, Sng 143.2, Snd 21.2, Lom 4.2

asik lîl, takaw anîb ak agup. <sup>5</sup> Anîb ak miñil yîp takaw anîb ak tek ma aginimib. Kidek Biawl ne ke apil, ñin anîb ak takaw anîb ak tek aginigab. Ne tap we gel kîsîlîm nab mîdeb okok dîl, mîlek nab okok linigab. Pen binib okok midupsek gos kîli nab ayan abe niñid misen aginigab. Ñin anîb ak, God binib midupsek ñinokom gîpal gîpal tek, kilop takaw tep aginigab.

### *Kolin binib yîb kîli ke dad aplanibal*

<sup>6</sup> Pen mam ay okok. Takaw apin anîb ak, Apolos chîlmiñal apin ak, nîbi gos nigtep ginimib agil, nibop agñîtep gebin. Nîbi ke gos tipagîl nopun agil ke tep gaknîj, bi nibop oginap yîb kilop dad aplanigabim, bi nibop oginap kilop keliginigabim ak, anigil ma yîbil ginimib apin. Pen buk Baybol tikil agîlak tek ginimib, gos ke nepim tek ma ginimib apin. <sup>7</sup> Titay dîl? An nibop aglek biawl okok mîdebim? Nîbi tap teplep olap dipim ak pen, God yîl ma dipim akanj? Niñid yîbil apin, God nokom tap anîb okok nibop ñek dî mîdebim. Ne nokom ñub, anîb ak taynen yîb nîbi ke dad aplanîl apim, Chin binib nigtep gîl, gittep yîbil gîl tap anîb okok dipun apim?

<sup>8</sup> Nîbi tap teplep okok kuñay yîbil mîdeb akanj? Nîbi tap okok midupsek dîl, midtep yîbil gîpim akanj? Nîbi binonim midtep gîpal tek mîdebim pen chin yokip midobun akanj? Pen nîbi binonim yebilap, chin abe binonim nîbi ayîp yobinop, yîp tep yîbil gup. Ak pen mel. <sup>9</sup> Yad anigil gos

---

**4:5** Lom 2.1, 2.29, 1 Ko 3.8, 2 Ko 5.10, Lep 20.12    **4:6** Lom 12.3, 1 Ko 1.12, 3.4, 3.21    **4:7** Jon 3.27, Lom 12.6, Jem 1.17, 1 Pi 4.10    **4:8** Lep 3.17, 3.21    **4:9** Lom 8.36, 1 Ko 15.30-31, 2 Ko 6.9, Hib 10.33

nepin, chin bi Jisas takaw nop dad ameb okok, God chinop di kidek okdañ lup. Chinop aglil, pak linig nag lipal tek midobun. Anigek, binib okok ayip ensel okok ayip, lum awl midebal okok midupsek, chinop niñid, bi yokip tek lek paklel midebal tek agil gos nepal. <sup>10</sup> Chin Klays yıl midil wog tapin gon, chinop nigel bi sawl tek lup. Nibi pen Klays yıl midil binib gos nigep ne okok tek midebim. Chin bi kiles ma midobun ak pen, nibi binib kiles timel midebim. Chin bi yib sek mel ak pen, nibi binib yib awl sek midebim. <sup>11</sup> Bilel tikil mid dad apil, miñil midobun ñin awl, chin yuwan gil, kunjam milep gil, chech ma midil, chinop pakil pakel koslam yibil midil, kal kineb ma midil aj nep midobun. <sup>12</sup> Pen ke nep tiñil yipil gil wog gipun. Chinop agjupal ak, kilop pen God kod mideñ agil, nop agnopun. Chinop gi timel gipal ak, gos anib ak ma niñid miñel dipun. <sup>13</sup> Chinop takaw timel apal ak, kilop pen takaw sayn apun. Chin silkul tap dayday tek midon mid dad apil ñin awl apek, binib okok chinop nigel, silkul tap dayday gach sek tek midobun.

*Nibi yad gipin tek niñid kidek ginimib agil gos nigup*

<sup>14</sup> Takaw ñu kil tikebin awl, nibop agineknin nebeñ dinimib agil ma tikebin. Nibi ñapay mapen yad yibil agil, timud wukilig kiles gil agñitep gilig tikebin. <sup>15</sup> Pen bi kuñay yibil kili nibop nap adik tek midil, Klays yıl midebim ak kod yebilap, nap

---

**4:10** Apo 26.24, 1 Ko 1.18, 3.18    **4:11** Apo 23.2, Lom 8.35, 2 Ko 11.23-27, Plp 4.12    **4:12** Sng 109.28, Mat 5.44, Apo 18.3, 1 Ko 9.14-15, 1 Te 2.9, 2 Te 3.8, 1 Ti 4.10    **4:13** Kra 3.45    **4:15** Apo 18.11, Gal 4.19, Jem 1.18

nibi ak kunjay ma mideb. Yad nokom takaw teplep ak agñenek niñid, Klays Jisas nop dil chig tep gipek. Anib ak yad nap nibi, nibi ñipay yad. <sup>16</sup> Anib ak tek kiles gil agniñid agebin, yad gipin tek niñid kidek ginimib. <sup>17</sup> Adek anib ak nep, ñi mapen yad Timoti nop agyokinek. Bi anib ak ne bi tep yibil midil, Biawl wog ak gitep gup ak. Nop agyoken, am nibop niginigab. Pen yad Klays nop chig tep gil pel gipin tek, ne nigtep gil, am gos timud nibop ak pag yikek niginigabim. Pel gipin anib ak, Klays binib ne man keke pelpel apnan gipal okok kilop agñibin.

<sup>18</sup> Nibi oginap Pol ne ke chinop ma ownigab agil, yib kili ke dad aplanił, biawl yibil midobun agebal. <sup>19</sup> Anigebal ak pen, Biawl ak yaw agenigab, wulep mideb yad apil nibop niginigayn. Pen ñin anib ak amjakil, bi yib kili dad aplanebal okok takaw kili ak niginig ma ownigayn. Kiles kili tay tek mideb niginig ownigayn. <sup>20</sup> Niñid apin, God binib dil kilop kod yenigab ak, takaw nep agep mel. Anib ak tap kiles timel yibil mideb. <sup>21</sup> Yad apil nibop tay ginim? Yil kodim dil nibop pakinigayn akan? Mapen lil nibop takaw sayn aginig ownigayn akan?

## 5

### *Bi kili olap nap bin ne ak nop dil ayip kinibil*

<sup>1</sup> Yip agñel nepin, bi nibi olap tap timel yibilgilig, nap bin ne ak nop dil ayip kinibil. Nigim. Binib God nop kidek ma gipal okok abe, tap timel yibil anib ak tek ma gipal. <sup>2</sup> Taynen tap timel anib ak niñid,

---

**4:16** 1 Ko 11.1, Plp 3.17, 1 Te 1.6, 2 Te 3.9      **4:17** Apo 19.22, Plp 2.19-22      **4:19** Apo 18.21, 19.21, 1 Ko 16.5, 2 Ko 1.15, 1.23, Hib 6.3

**4:20** 1 Ko 2.4, 1 Te 1.5      **5:1** Wkp 18.7-8, Lo 22.30, 27.20, Epe 5.3

yib nibi ke dad aplanibim? Chib gek chaŋ lipikep. Anigil nim, bi anib ak nop diyokem, niib ayip ma yonimuŋ. <sup>3</sup> Yad man palawl midebin ak pen, gos yad ak nibop yil amnakniŋ, nigilig midebin. Anib ak yad ke nib ayip midobun ak nep tek, bi ak ne tap timel gup anib ak, yad nop bilokil nepin. <sup>4</sup> Niibi Biawl chin Jisas nop gos niŋid apnan ginigabim ñin ak, Biawl chin Jisas kiles awl ne ak ayip, gos yad ak ayip yenigabim. <sup>5</sup> Ayip midil, bi anib ak nop Satan ñin adek ak aglem mubwak nop ak gi timel ginimuŋ. Anigem, Biawl kot awl gep ñin ak, God bi anib ak kawnan nop ak tig asik dinimuŋ tek linigab.

### *Kili bi timel yibil gup ak nop diyokinigel*

<sup>6</sup> Pen yib nibi ke dad aplanibim anib ak, tap timel yibil. Binib bilet ginig, tap yis ak sikol sikol bad oginap sek lipal. Lel, tig adik madik gek bilet awl yibil tan aplanub ak, nibi ma nepim akan? <sup>7</sup> Anib ak binib kili yis nedil diyokipal tek, nibi tap si tap timel diyokinimb. Diyokem, bilet yis sek ma mideb tek yenimib. Pen yad nepin, nibi bilet yis sek ma mideb tek midebim. Ñin awl Pasopa apal ak, ñin anib ak chag sipsip ñiluk pak sibogoligipun. Pen nib nepim, pak sibogoligipun tek, kili Klays nop dil, chag sipsip ñiluk tek paklel chinop nen kumak. <sup>8</sup> Anib ak tek, chin binib kili ñin awl tap gilitep gil miñmiñ gipal tek ginigun. Binib kili ñin awl ginig, yis nedil diyokipal tek,

- 
- 5:3** Kol 2.5    **5:4** Mat 16.19, 18.18, Jon 20.23, 2 Ko 13.10    **5:5**  
 Apo 26.18, 1 Ti 1.20, 1 Pi 4.6    **5:6** 1 Ko 3.21, 15.33, Gal 5.9, Jem 4.16  
**5:7** Kis 12.5, 12.21, 13.7, Ais 53.7, Jon 1.29, 1 Pi 1.19, Lep 5.6, 5.12  
**5:8** Lo 16.3, Mat 16.6, 16.12, Luk 12.1

chin tap si tap timel midupsek diyokil, tap timel keke gipun adek anib okok diyokinigun. Pen gos teplep pal ak sek, takaw niqid yibil ak sek kidek ginigun. Aniginigabun ak, bilet yis sek ma mideb tek yenigabun.

**9** Yad nibop ned mij tikil aginek, Binib bin si bi si gipal okok, takaw dayday ma agil ayip jimnil ma yenimib aginek. **10** Nib pen binib bin si bi si gipal okok, binib tap chin ke kunay yibil dun agil nepal okok, binib tap si dipal okok, binib tap yepis sibog nabal okok, binib lum awl anib okok ayip jimnil ma yenimib agil, takaw anib ak nibop ma agebin. Mel yibil. Lum awl midupsek midebal tek, kilop keliginimib tek ma lup. **11** Takaw yad aginek ak pen jij anigil mideb. Binib Klays binib ne nab okok midil mam ay chin apim okok, kili tap timel anigenigabal, takaw dayday ma agil ayip jimnil ma yenimib. Binib kili chin Klays binib ne midobun apal anib okok, kili bin si bi si gil, tap chin ke kunay yibil dun agil niqid, tap yepis sibog nil, binib agjuwil takaw timel agil, nig kiles nibil sawl lil, tap si dil, tap timel anib okok genigabal, takaw dayday ma agil ayip jimnil ma yenimib. Pen kili ayip tap ma yibil niqinimib.

**12-13** Binib Klays yil ma midebal okok, yad taynen anigipim agil, tig asik lil ag ginim tek ma lup. God nokom nim, takaw anib okok tek kilop aginigab. Pen binib Klays yil midebal okok, kili titay gipal ak nibi niqid tig asik lil, takaw anib ak

---

**5:9** Mat 18.17, 2 Ko 6.14, Epe 5.11, 2 Te 3.14    **5:10** Jon 17.15, 1 Ko 1.20, 10.27    **5:11** Mat 18.17, Lom 16.17, 2 Te 3.6, Tat 3.10, 2 Jo 10

**5:12-13** Lo 13.5, 17.7, 21.21, 22.21-24, Mak 4.11, 1 Ko 6.1-4, Kol 4.5, 1 Te 4.12, 1 Ti 3.7

tek aginimib tek lup. Buk Baybol ak tikil anib agak, Bi nibi tap si tap timel gup anib ak nop diyokinimib agil tikak.

## 6

*Binib Klays yıl mideb olap, binib Klays yıl olap  
nop kot ma ginimuŋ*

<sup>1</sup> Pen bi nibi olap, ne mam Klays yıl mideb olap ke nop takaw oginap mideb ak, taynen bi nibi Klays yıl midebim okok ma agnigup, bi Klays yıl ma midebal okok kilop damek kot nepal. Ne anigek nop neben ma gup akan? <sup>2</sup> Binib Klays yıl midebal okok, kili kidek binib lum awl okok kilop midupsek bilokinigabal. Takaw anib ak ma nepim akan? Pen nibi binib lum awl okok kilop midupsek kidek anigenigabim, taynen minjel sikol tek nab nibi okok mideb ak, bilokinigun tek ma lup agil gos nepim? <sup>3</sup> Chin kidek ensel okok kilop abe bilokinigabun ak, anib ak ma nepim akan? Aniginigabun tek, chin minjel lum awl okok midupsek mideb ak ninjd, bilokinigun tek lup. <sup>4</sup> Anib ak binib nab nibi okok takaw oginap mideb ak, taynen minjel anib ak damil, binib God nop gos ma nepal okok kilop agem kot nepal? <sup>5</sup> Yad takaw olap agen nibop neben ginimuŋ. Bi nibi gos nigep olap, ne binib nibi takaw oginap midebal okok kilop ninjd bilokup ak, bi anib ak olap ma mideb akan? <sup>6</sup> Nibi pen mam oginap tikjakil mam oginap kilop damil, binib God nop gos ma nepal okok kilop agem kot nepal.

**7** Nibi Klays binib ne okok penpen kot gipim, anib ak nopun, nibi Klays ne gup tek ak keligil apyap pakipim. Nibop gi timel gil akan, tap nibop okok pilig del, taynen ma keligipim? **8** Nibi pen kilop gi timel gilig, tap kili okok dinig, kilop kot gil tap pilig dipim. Pen binib yokip okok nep kilop ma gipim, Klays binib nibi okok ke kilop anigil gi timel gipim.

**9** God binib dil kilop kod yenigab nin ak, ne binib tap si tap timel nep gipal okok kilop ma dinigab. Anib ak ma nepim akan? Gos nigtep ginimib. Binib bin si bi si gipal okok, binib tap yepis sibog nibal okok, binbi kili dipal ak pen bin si bi si gipal okok, bi penpen chib migan gipal okok, **10** binib tap si dipal okok, binib tap chin ke kunjay yibil dun agil nepal okok, binib nig kiles nibil sawl lipal okok, binib agjuwil takaw timel apal okok, binib tap kilop tig asik si dipal okok, God binib dil kilop kod yenigab nin ak, anib okok kilop ma dinigab. **11** Ned nibi oginap anib ak tek geligipim ak pen, timel gipim gach ak God wik yokup. Yokilig gek, nibi binib suntep ne yibil midebim. Biawl Jisas Klays ayip God chin Kawnan ne ak ayip kiles kili ak dil nibop gek, God ayip jimnil midil binib tep ne takaw ma mideb okok midebim.

*Chin God Kawnan ne ak kal migan tep ne tek ak midobun*

**12** Bi oginap apal, Yad titay ginig, takaw ma mideb, yad ke ginim tek lup apal. Niqid apal ak

**6:7** Mat 5.39, Snd 20.22, Luk 6.29, Lom 12.17-19, 1 Te 5.15, 1 Pi 3.9

**6:9** Gal 5.19-21, Epe 5.5, 1 Ti 1.9, Hib 12.14, Lep 22.15    **6:11** Epe

2.2, Kol 3.7, Tat 3.3-7, Hib 10.22    **6:12** 1 Ko 10.23

pen, adek oginap gil midtep ginigel tek ma linigab. Yad tap okok midupsek ginim tek lup ak pen, tap olap gen yip dil kodek, bi wog giñeb nop ak ma yenigayn. <sup>13</sup> Pen bi oginap apal, Tap midup ñibun ak chibol nab ayan amub, chibol ne tap midup ak dup apal. Niñid apal ak pen, God gek tap midup ak sek, kogmeg ak sek ma yenigab. God ne binib gilak ñin ak, bin si bi si dinigel agil ma gilak. Binib mubwak kili ak Biawl yil midil, wog ne ak gebal. Pen Biawl ne mubwak kilop kod mideb. <sup>14</sup> God kiles ne ak dil Biawl kumak ak nop gek tikjakak. Pen chinop abe anigek tikjakinigabun.

<sup>15</sup> Mubwak nibi okok, Klays wak ñin kid tob kid ne okok midebim. Ak nibi niginimb tek lup. Anib ak pen, taydil Klays wak ñin kid tob kid ne okok dad amil, kanibtam bin ayip jimñil linim? Anib ak ma yibil ginim. <sup>16</sup> Pen anib ak nibi niginimb tek lup, bi olap kanibtam bin ayip chigil jimñil midebil ak, omijal wak nokom yibil lup. Buk Baybol ak tikil anib agak, Kili omijal jimñil midel wak nokom yibil linigab agil tikak. <sup>17</sup> Bi olap pen Biawl nop chigil jimñil midebil ak, kili omijal gil gos nokom niñid kawnan nokom midebil.

<sup>18</sup> Bin si bi si dep ak asik tep ginimb. Tap si tap timel okok midupsek binib kili pel gipal ak, mubwak kili sen okok mideb ak pen, bin si bi si dipal ak, mubwak kili ke gel timel ginigab. <sup>19</sup> Nibi

**6:13** Lom 14.17, 1 Ko 6.15, 15.19-20, Kol 2.22-23, 1 Te 4.3-7      **6:14**  
Lom 6.5, 6.8, 8.11, 1 Ko 15.20, 2 Ko 4.14, Epe 1.19-20      **6:15** Lom  
12.5, 1 Ko 12.27, Epe 4.12, 4.16, 5.30      **6:16** Stt 2.24, Mat 19.5, Epe  
5.31      **6:17** Jon 17.21-23, Lom 8.9-11, Epe 4.4      **6:18** Lom 1.24,  
6.12-13, 1 Te 4.3, Hib 13.4      **6:19** Lom 14.7-8, 1 Ko 3.16, 2 Ko 6.16

niginimib tek lup, God Kawnan ne ak agyokek, n̄ibop apil m̄igan ayan m̄ideb. Ak nim, kal m̄igan tep ne tek ak m̄idebim. Anib ak n̄ibi ke mel, God ȳil m̄idebim. <sup>20</sup> God n̄ibop tawil tig asik dup, anib ak tek mubwak n̄ibi okok dil God nop n̄il, God ȳib awl dinimunj agil gitep ginimib.

## 7

*Bi bel om̄ijal okok takaw agup ak*

<sup>1</sup> Yip mij tikil takaw agnepek ak, n̄ibop pen aginigebin. Bi okok bin ma dil ginigabal ak, tep m̄ideb. <sup>2</sup> Binib pen bin si bi si del tap timel anib ak awl gup. Anib ak tek, bi okok bin kili ke dil midaknij yenigabal, bin okok bi kili ke dil midaknij yenigabal. <sup>3</sup> Bin ne nigimil ayip kinig agek, yaw agil kinigayl, nigimil bin ne ayip kinig agek, yaw agil kinigayl. <sup>4</sup> Pen nigimil mubwak ak ne ke mel, bin ne ayip tap kili j̄imñil, bin ne mubwak ak abe ne ke mel, nigimil ayip tap kili j̄imñil. <sup>5</sup> Anib ak nigimil agek bin ne mel ma aginimunj, bin ne agek nigimil mel ma aginimunj. Yaw agil kinimil. Pen n̄ili n̄in wulep ak God nop gos n̄ijid agnigilig midol agil, takaw ag adek nokom lil, nop agnigilig yenimil. Agnigilig yenimil ak pen, kidek n̄in wulep ak tepayan ayip kinigayl. Mel ak Satan n̄ibop gek, mubwak nab okyaq ke kod ma midil, apyap pakinimil tek linigab. <sup>6</sup> Takaw agebin anib ak pen, takaw kiles olap n̄ibi anigil anigil ginimib ak ma agebin. Gos n̄ibi kidek ginimib

---

**6:20** 1 Ko 7.23, Gal 3.13, Plp 1.20, Hib 9.12, 1 Pi 1.18-19    **7:1** 1 Ko 7.8, 7.26    **7:3** Kis 21.10, 1 Pi 3.7    **7:5** Jol 2.16, Sek 7.3, 1 Te 3.5

agil nibop agebin. <sup>7</sup> Yad anigil gos nepin, binib okok midupsek kili yad yokip midebin tek yenigel. Anigil gos nepin ak pen, God gos ne ke nigup tek, binib okok kilop kiles keke ñub. Binib oginap kiles tep olap ñek, adek oginap ke gipal, binib oginap kiles tep olap ke ñek, adek oginap ke gipal.

<sup>8</sup> Pen bin piñ bi pilaj midebal okok sek, bin kanjil okok sek kili yad yokip midebin tek yenigabal ak, tep mideb. <sup>9</sup> Binib oginap pen yokip midil, bin si bi si gun agil gos ak nep apek, midtep ma ginigabal. Anigonimun, bin okok bi kili keke dinigel, bi okok bin kili keke dinigel. Mel ak nab kili ayan mab tek yinek, midtep ma ginigabal.

<sup>10</sup> Bi bel omijal okok, kilop takaw kiles olap aginigebin. Yad nep mel, Biawl ak takaw ne. Bin ak nigimil nop ma kelig amnimun. <sup>11</sup> Pen kelig amonimun, bi kideyil ma dinimun. Yokip yonimun. Pen bi dinig, adikid amil, nigimil ned nib anop tepayañ dinimun. Pen bi abe, bin ne nop ma agyokinimun.

<sup>12</sup> Pen binib oginap takaw olap aginigebin. Biawl takaw kiles ne ak mel, takaw yad nep aginigebin. Bi Klays yil mideb olap, ne bin Klays nop gos ma nigup olap nop ned diyek, bin ne chil ayip yonigabul agil gos nigup ak, bin ne anib ak nop ma agyokinimun. <sup>13</sup> Pen bin Klays yil mideb olap, ne bi Klays nop gos ma nigup olap nop ned diyek, bine chil ayip yonigabul agil gos nigup ak, bine anib ak nop ma kelig amnimun. <sup>14</sup> Kili anigenigel, bi Klays nop gos ma nigup ak, bin Klays

yıl mideb ak ayıp di midebil ak nim, God bi anib ak nop gek bi suntep ne yibil mideb. Pen bin Klays nop gos ma nigup ak, nigimil Klays yıl mideb ak ayıp di midebil ak nim, God bin anib ak nop gek bin suntep ne yibil mideb. Kili pen anib ma genigel, God nigek nipay kili okok gach sek midebal. Ak pen genigel, takaw ma mideb God nipay kilop dinimun tek nep yenigab. **15** Bi bel omijal pen dil midebil okok, nigimil nep Klays nop gos linigup ak, bin ne Klays nop gos ma liniqid, kiles gil nigimil nop kelig amnig gonimun, yaw agek amnimun. Pen bin Klays nop gos linigup ak, bine Klays nop gos ma liniqid, kiles gil bin nop kelig amnig gonimun, yaw agek amnimun. Bin yad agil, biyad agil ma di tibikinimib. God ne nibi kimigel midtep ginimib agil nibop aglup, anib ak kilop keligem amnigel. **16** Pen nad bin God yıl mideban ak, nigimil ayıp nep mide, God nop chigek tig asik dinimun tek lup akan? Anib ak ma nepan. Nad bi God yıl mideban ak, bin nad ayıp nep mide, God nop chigek tig asik dinimun tek lup akan? Anib ak ma nepan.

### *God gos ne niqid chinop aglup tek yonigun*

**17** Klays binib ne pelpel apnan gipal man okok midupsek, kilop pel agnibin, Nibi nokom nokom titay gil tek midem, God nibop aglil suk agil dak ak niqid, adek anib ak nep gilig yenimib apin. **18** Bi wak tibilikel God kilop suk agil dup okok, tepayan nil yu ma ginigel. Pen bi wak sek midel kilop suk agil dup okok, wak ma tibilikinigel. **19** Bi wak tibilikipal akan ma tibilikipal, omijal gil

tap yokip takaw ma mideb. Binib pen God agup tek niñid kidek gipal ak, tap awl yibil. <sup>20</sup> Ned titay gil tek midem God nibop suk agil dak ak, adek anib ak nep gilig yenimib. <sup>21</sup> Nibi oginap binib wog giñeb biawl olap muk okok midebim ak, ñin anib ak God nibop suk agil dup akan? Anigil nim, gos kunjay ma niñid, muk okok yenimib. Pen kidek nibop agyokek, nop keligil am binib wog gep biawl olap muk okok ma midenimib tek lonimun, keligil yokip am yenimib. <sup>22</sup> Binib wog giñeb biawl olap muk okok midebal ak, God kilop suk agil dek Klays nop chigipal okok, Biawl ak kilop nigeck binib wog gep biawl olap muk okok ma midebal. Anib ak tek nep, binib wog gep biawl olap muk okok ma midebal ak, God kilop suk agil dek Klays nop chigipal okok, Biawl ak kilop nigeck binib wog giñeb Klays muk okok midebal. <sup>23</sup> God nibop tawil tig asik dek, binib ne midebim. Anib ak nibi binib wog giñeb muk okok tek ma yenimib. <sup>24</sup> Mam ay sikop, ned titay gil tek midem God nibop suk agil dak ak, God ayip jimñil midilig adek anib ak nep gilig yenimib.

### *Bin piñ bi pilaj okok takaw agup ak*

<sup>25</sup> Pen bin piñ bi pilaj okok takaw ak aginigebin. Takaw anib awl Biawl ak agek niñid nibop ma aginigebin. Ne pen yip mapen niñid ditep gek, bi takaw niñid yibil agep ak midebin ak nim, gos yad nepin ak kidek gil nibop aginigebin. <sup>26</sup> Miñil koslam midep tek lup ñin awl ak niñid, gos yad

---

**7:22** Jon 8.36, Gal 5.13, Epe 6.6, Plm 16, 1 Pi 2.16    **7:23** 1 Ko 6.20,  
1 Pi 1.18-19    **7:25** 1 Ko 7.6, 7.10, 7.40, 2 Ko 8.8-10, 1 Ti 1.12-13, 1.16

anigil nepin, nad mideban tek nep yenimin, ak tep yibil. <sup>27</sup> Nad bin dipan tek, nop agyokil yokip miden agil gos ak ma niginimib. Pen bin ma dipan tek, bin dun agil gos ak ma niginimib. <sup>28</sup> Nad pen bin denimin, tap timel ma gipan, bin piñ bi donimun, tap timel ma gup. Binib dipal okok pen, lum awl midil miñel keke dinigabal. Yad gos anib ak niñid, nibi miñel anib okok ma dinigabim agil anib agebin.

<sup>29</sup> Pen mam ay sikop, yad anib agebin, ñin ak wulep mideb. Anib ak miñil tikjakil mid dad amil, bi bin dipal okok kili bin ma dipal tek yenigel.\* <sup>30</sup> Pen bi chib gek chan lup okok, kilop chan ma lep tek yenigel. Pen miñmiñ gipal okok, kili miñmiñ ma gipal tek yenigel. Pen tap tawpal okok, kili binib tap ma mideb tek yenigel. <sup>31</sup> Pen tap lum awl nigilig dilig midebal okok, kili wog tap anib okok nigon tap awl tek ma lonimun agil gos niginigel. Chin nopun, lum awl tap okok midupsek pisnep kul ginigab ñin ak wulep mideb.

<sup>32</sup> Pen nibop miñel awl ma gek gos kuñay ma niginimib agil gos nepin. Bi bin ma dup ak, ne Biawl tap ne okok gos nigek amek, titay gen Biawl nop tep ginimuñ agil nigup. <sup>33</sup> Bi bin dup ak pen, ne tap lum awl ak gos awl nigek amek, titay gen bin yad ak nop tep ginimuñ agil nigup. <sup>34</sup> Anigek, ne gos omijal nigup. Pen bin piñ okok sek bin bi sek ma midebal okok sek, kili Biawl tap ne okok

<sup>7:28</sup> 1 Ko 7.38    <sup>7:29</sup> Lom 13.11    \* <sup>7:29</sup> Chin bi bin dipun okok, bin kilop nep gos ma niginigun. Biawl wog nop, tap ne okok abe gos niginigun. Pol ne gos anib ak niñid, takaw anib awl agup.

<sup>7:31</sup> Sng 39.6, Jem 1.10, 4.14, 1 Pi 1.24, 1 Jo 2.17    <sup>7:34</sup> Luk 10.40

gos nigel amub. Gos abe mubwak abe nop nep ñinig, Biawl mideb ak am yonigun agil nepal. Bin bi dup olap pen, ne tap lum awl ak gos awl nigeck amek, titay gen biyad ak nop tep ginimuñ agil nigup. <sup>35</sup> Takaw agebin anib awl, nibop mel agil ma agebin. Nibop giñinig agñen midtep ginimib agil agebin. Pen Biawl ak nop pel gos nigilig wog gitep yibil ginimib agil gos nepin. Yokip ak gos ominal ninjd, nop ditep ma ginigabim.

<sup>36</sup> Pen bi olap yokip yek, nop bin aglil dap ñel, yad bi woske yenigayn agil, mid dad amil, bin anib ak nop nigeck midep tek ma lek ninjd, dinigab ak tep. Tap timel ma gel takaw ma mideb. <sup>37</sup> Bi woske anib ak pen kiles gil midil, nop nebneb gil mel, gos ne ke kod midtep gil, bin yip aglipal ak ma din agil gos ninjd kiles yibil gil yenigab ak, abe takaw ma mideb. Ne abe tep yibil ginigab. <sup>38</sup> Anib ak bi bin nop aglilik ak dup ak, tep gup. Bi pen bin nop aglilik ak ma dup ak, tep yibil gup.

<sup>39</sup> Bin olap nigmil ne midaknij, ayip nep yenimil. Kumonimuñ nep nim, am bi kidek dinig, dinimuñ. Pen bi Biawl ak yil yonimuñ olap nep dinimuñ. <sup>40</sup> Yad pen gos anigil nepin, ne yokip mideb tek yonimuñ ak, nop tep yibil ginimuñ. Pen yad nokom mel, God Kawnan ne ak yip gos ñaknij agebin tek lup.

## 8

*Tap yipil, tap yepis agnepal okok pak sibogipal  
ak, ñiñinigun akan mel apal?*

**1** Pen tap yepis agnepal okok, kilop tap yipil pak sibogipal ak nijinigun akan ma nijinigun agil yip agnepim. Takaw anib ak, nibop pen aginigebin. Nibi oginap apim, Chin midupsek binib gos nigep midobun apim. Takaw anib ak nijid apim ak pen, binib gos nigep midebal okok, yib kili ke dad aplanil, chin binib awl yibil midobun agil nepal. Binib pen mapen lep midebal okok, kili anigel, mapen lep anib ak binib kilop gek, gos sek midil kiles gil jak tep gil midebal. **2** Bi gos nigep yib midebin agup ak, takaw niginimuñ anib ak gos nigtep ma gil, anib agup. **3** Bi pen God nop mapen lup ak, God bi anib ak nop gos nigtep gup.

**4** Anib ak, tap yepis agnepal okok, kilop sab chag yipil pak sibogipal ak nijinigun akan ma nijinigun agil, takaw oginap nibop aginigebin. Chin nopun, tap yepis agnepal anib okok tap yibil mel, kawnan yokip mideb. Pen god kunjay ma midebal, God ne nokom nim mideb. **5** Binib okok tap chin agnopun nim ak agil, biawl chinop kod yonimuñ nim ak agil, tap keke wisip alaŋ lum awl kunjay okok agnepal. **6** Tap agnepal kunjay okok midebal ak pen, God chin ak nokom yibil mideb. Ne Bapi chin tap okok midupsek gilek mideb. Ne midakniñ chin midobun. Pen Biawl abe nokom yibil mideb, Jisas Klays nim. God gek Klays ne tap okok midupsek gilak. Pel anigek chin konim midobun.

**8:1** Apo 15.20, 15.29, Lom 14.3, 14.10, 14.14, 1 Ko 10.19      **8:2** 1 Ko 13.8-9, 13.12, Gal 6.3, 1 Ti 6.4      **8:3** Nah 1.7, Mat 7.23, Gal 4.9

**8:4** Lo 4.35, 4.39, 6.4, Ais 41.24, 1 Ko 10.19, Gal 4.8, Epe 4.6, 1 Ti 2.5

**8:6** Mal 2.10, Jon 1.3, Apo 17.28, Lom 11.36, 1 Ko 12.6, Epe 4.5-6, Plp 2.11

**7** Pen binib oginap takaw agosipun anib ak gos ma nepal. Kili ned tap yepis agnepal okok gos niñid kidek geligipal. Anib ak tek, tap yipil binib ke oginap sibogil pakipal anib okok, tap yepis agnepal okok tap kili ak. Pen tap yipil anib okok dil ñibebal won ak, chin God yil midobun tek tap sibogil pakipal ak ñinjinigun agil, gos pal ak timel won ak nig midilig ñibebal. **8** Tap ñiñeb ak pen, chinop gek God mideb wulep siñak amnigun tek ma linigab. Chin tap ma ñibonigabun, God nigeck gach sek yonigun tek ma linigab. Pen chin tap ñibonigabun, God nigeck midtep yonigun tek ma linigab. Tap asikil akan monmon ñibonigabun, takaw ma yenigab.

**9** Nibi pen nigtep ginimib. Nib nepim, tap ñiñeb titay ñinjinigun agil, ñinjinimib tek lup. Pen tap olap ñibem, binib Klays yil nop gos kiles ma nepal okok niñid abe ñibil, apyap pakinigel tek lup ak niñid, tap anib ak ma ñinjinimib. **10** Nibi binib nigtep gipim okok, ñin oginap am tap yepis agnepal kal migan ak amil tap ñibim. Pen ñibenigabim, Klays binib ne olap ne gos pal ak timel won ak nig mideb ak apil, ñibop nigeck chibol nop tikjakek, ne abe tap sibog pakep anib ak ñiñeb tek linigab. **11** Nibi tap ñiñeb gos anib ak niñid anigem, mam ay Klays nop gos kiles ma nepal okok niñid kul ginigabal. Pen mam ay anib okok, Klays kilop dinim agil kumak. **12** Pen aniginigabim ak, mam ay okok kilop gi timel gil, gos pal ak teplep won ak nig midebal ak gem, Klays nop gos linigep ak apyap pakinigabal. Pen

kilop nep gi timel ginigabim mel, Klays nop abe gi timel ginigabim. <sup>13</sup> Anib ak, tap niñeb titay okok niñben, mam ay oginap kilop gek apyap pakinigel tek lenigab, tap yipil anib okok pel pelnep ma niñinim. Yad tap niñbil mam ay okok kilop gek apyap pakinigel agil, gos anib ak ma yiñbil nepin.

## 9

*Pol ne Jisas biawol olap yek ak pen, mani oginap  
nop pen ma ñel, nop tep gup*

<sup>1</sup> Niñi yip niñjid nigtep ginimb. Tap olap yip kanib ma tikup. Yad bi Jisas takaw nop dad ameb ak midebin. Yad Jisas Biawl chin ak nop wiñin nepin. Yad Biawl nim ak wog ne gen, nibop gek binib ne midebim. <sup>2</sup> Binib oginap yip bi yokip agil nigenigel tek lup ak pen niñbi mel. Nigtep gipim, yad bi Jisas takaw nop dad ameb ak midebin. Yad nibop Biawl takaw ak agenek niñjid nop dil ayip midebim. Anib ak tek nib nepim, yad bi Jisas takaw nop dad ameb olap midebin.

<sup>3</sup> Binib yip tig asik lil takaw awl apal okok, kilop pen anigil apin. <sup>4</sup> Chin bi Jisas takaw nop dad ameb okok, binib kilop wog giñibun tek, tap midup niñ tap okok pen dinigun tek lup akan? <sup>5</sup> Pen chin bin Klays nop gos linupal okok dil, dad Klays takaw agñi ajonigun tek lup akan? Bi Jisas takaw nop dad ameb oginap sek, Biawl ak nimam kidek ne okok sek, Pita sek, kili pel bin kili okok sek dad ajipal, anib ak tep mideb. <sup>6</sup> Banabas chilmiñal nep kaniñ olap ma yek, mani wog piskid ak gilig tap niñbul

---

**8:13** Lom 14.21, 2 Ko 11.29    **9:1** Apo 9.3, 9.15-17, 18.9, 26.16, 1  
Ko 15.8, 2 Ko 12.12, Gal 2.7-8    **9:2** 2 Ko 3.2-3    **9:4** Luk 10.8, 1  
Ko 9.13-14

akanj? <sup>7</sup> Bi chim kadiñ gep olap wog gup tek, tap ne ke ma piyow nígup. Nop tap ñel ñiñub. Bi tap yímub ak, yokip yek tek ma lil, yímub tek pipag dapil ñiñub. Bi chag sipsip mukup ak, yokip yek tek ma lil, mukup tek tul ne ñiñub.

<sup>8</sup> Takaw agebin anib ak, binib gos timud ke niñid apal tek ma agebin. Mel yibil. Takaw Mosis ñu kil tikak ak abe anib ak tek agak. <sup>9</sup> Takaw Mosis ñu kil tikak migan ayan, anigil tikil agak, Nibi chag bulmakaw poñid apil, wit midup tap okok taw chib jakek, midup okok ke amil, cheg okok ke amil gan agil, meg migan nop ak ma tunig tibikinimib agil tikak. Wog gilig, oginap ñiñinig ñiñinimuñ agil tikak. Pen God chag bulmakaw okok gos niñid takaw anib ak ma agak. Mel. <sup>10</sup> Chinop gos niñid anib agak. Yaw, binib tiñil yul gil wog gi yibal okok sek, binib pag dad opal okok sek, chin tap oginap ñiñinigun agil, tep gakniñ wog ginigel. Anib ak chin nopun, takaw anib ak chinop gos niñid ñu kil tikak. <sup>11</sup> Chin God Kawnan tap teplep ne ak nibop nab okok yibun tek, chinop pen mani tap lum awl mideb okok ñinigabim ak tep yibil. <sup>12</sup> Bi keke oginap kilop mani tap nibi okok nibim tek, chinop nigem nibop tep yibil gek mani tap nibi okok chinop monmon ñinimib.

Pen chin nibop agnijid mani tap okok dipinop ak pen, anib ak ma dipun. Don, binib oginap gos timel niñid Klays takaw teplep ak ma niginigabal agil, miñel kuñay dil wog tawep gil tap taw nibun.

---

**9:7** Lo 20.6, 2 Ko 10.4, 1 Ti 1.18, 1 Pi 5.2

**9:9** Lo 25.4, 1 Ti 5.18

**9:10** 2 Ti 2.6

**9:11** Lom 15.27, Gal 6.6

**9:12** Apo 20.33-35, 1

Ko 9.15, 9.18, 13.7, 2 Ko 11.7-9, 11.12

**13** Bi God agnigep kal awl migan wog gipal okok, God agnigep kal awl tap ñineb okok ñibal. Pen bi God nop sibogep abañ adek ak wog gipal okok, kili binib tap pak sibogipal okok oginap dil ñibal. Yad nepin, anib ak nigtep gipim. **14** Anib ak tek Biawl agek, bi takaw teplep agñibal okok, kilop pen tap ñel ñibilig nim, midtep gilig wog anib ak ginigabal.

**15** Yad pen takaw teplep ak agñil mani tap midup dipinep ak, oginap ma dipin. Pen miñil abe mij tikebin awl, tap nibop oginap din agil ma agebin. Mel yibil. Nibi gos awl anib ak niginimib tek lek, yip wak tibilikup. Anigek yad ned kubinep ak, tep yibil. **16** Pen takaw teplep agñibin won ak, yib yad ke dad aplanil miñmiñ ginim tek ma lup. Takaw teplep agñibin wog anib ak, Biawl ak ne wog anib ak yip agak ak nim yad ginim. Takaw teplep ak ma agñil nim, midtep ma gil kul ginigayn. **17** Wog anib ak yad ginim agil genigayn, tap teplep yip pen ñek dinigayn. Pen ak mel. Biawl wog ne gipin anib ak, ne ginimin agek nep gipin. **18** Anib ak, tap teplep tay yip pen ñek dinigayn? Takaw teplep ak agñil mani tap midup dipinep ak, ma dipin. Pen tap teplep yad tek nim, takaw teplep ak binib okok kilop yokip yibil agñen yip tep yibil gup.

*Pol ne binib kunjay yibil God yıl yelan agil, bi wog  
giñeb kili tek mideb*

**19** Yad binib olap bi wog giñeb ne ma midebin ak pen, binib kunjay yibil God yıl yelan agil gos niñid,

---

**9:13** Wkp 6.16, 6.26, Nam 18.8, 18.31, Lo 10.9, 18.1      **9:14** Mat 10.10, Luk 10.7, Gal 6.6, 1 Ti 5.17      **9:15** Apo 18.3, 20.34, 2 Ko 11.10, 1 Te 2.9      **9:16** Jer 20.9      **9:17** 1 Ko 3.8, 3.14, 4.1, Gal 2.7, Kol 1.25

**9:18** 1 Ko 7.31, 10.33, 2 Ko 4.5      **9:19** Mat 18.15, 20.26-27, Gal 5.13, 1 Pi 3.1

binib midupsek bi wog giñeb kili tek midebin. **20** Juda binib midebal nab ak midil, God yıl yelanj agil, kili pel anigipal okok tek gipin. Yad takaw Mosis ñu kil tikak ak kidek ma gebin ak pen, binib takaw Mosis ñu kil tikak ak kidek gipal nab ak midil, God yıl yelanj agil, yad ayip wilikil midon yip nigel, bi kili olap tek lup. **21** Binib takaw Mosis ñu kil tikak ak kidek ma gipal nab ak midil, God yıl yelanj agil, yad ayip wilikil midon yip nigel, bi kili olap tek lup. Pen anigil kiles gilig God takaw agak ak ma keligipin, Klays agak ak nep gipin. **22** Binib Klays nop gos kiles ma nepal okok nab ak midil, God yıl yelanj agil, yad ayip wilikil midon yip nigel, bi kili olap tek lup. Yad binib okok kul ginigel tek lek ninjd, ognap Klays nop del kilop tig asik dinimunj agil, kanib okok midupsek piyow ninjd, kili midupsek ayip wilikil midilig agñitep gipin. **23** Yad nepin, Biawl ak kidek tap teplep ak dil, binib takaw teplep ak gos nepal okok kilop ñinigab. Pen yad abe ayip dinigayn agil gos nepin, takaw teplep wog anib ak midupsek gen kiles gil ameb.

*Kiles yibil gil gon amek, tap teplep yibil dinigabun*

**24** Bi penpen taw asik lipal okok, midupsek penpen taw asik lipal ak pen, bi olap ned amjakil tap teplep ak dup. Anib ak nib nepim akan? Anib ak tek nibi tap teplep anib ak dinig, kiles gil penpen taw asik lipal tek ginimb. **25** Bi penpen taw asik lipal okok, kili keke yad ned amjakin agil monmon

---

**9:20** Apo 16.3, 18.18, 21.20-26    **9:21** Lom 2.12-14, 1 Ko 7.22, Gal 2.3, 3.2, 5.13    **9:22** Lom 11.14, 15.1, 1 Ko 10.33, 2 Ko 11.29    **9:24** Gal 5.7, Plp 2.16, 3.14, 2 Ti 4.7, Hib 12.1    **9:25** Epe 6.12, Plp 3.14, 2 Ti 2.4-5, 4.8, Jem 1.12, 1 Pi 1.4, 5.4, Lep 2.10

ma gipal. Asik tep gil, kiles timel yibil amil apil gil gipal. Pen tap teplep kili dinigun agil kiles gil anigipal ak, pel ma yenigab. Tap teplep yibil chin pen dinigun agil kiles gil wog ginigabun ak, pel pelnep yenigab. <sup>26</sup> Anib ak nim, yad penpen taw asik lil, kiles timel gil gipin. Ke okok ma nepin, amnig gipin migan ak nep niñid kasek abin. Pen bi ñin penpen pakipal okok, monmon ma pakipal, nigtep gil penpen pakipal tek ak yad gipin. <sup>27</sup> Mubwak yad ke paken, gos timud yad nepin pal ak kidek ginimuñ. Binib oginap kilop agñen nepal ak pen, yad ke apyap pakil tap teplep ma dinigayn tek lup agil, nigtep gil nokom gen ameb.

## 10

*Apis based sikop gi timel gil, apyap pakilak tek gos nigtep gil ma ginigun*

<sup>1</sup> Mam ay sikop, yad nibi gos anib ak nigtep ginimib agil gos nepin. Bi Mosis yek ñin ak, apis based chin okok, God wisip bad tikil kilop midupsek yu gil kod yoligup. Pen kili midupsek amil, ñig solwala yib ne Nikim apal ak tikil kid adan amnilak. <sup>2</sup> Pen kili midupsek wisip bad ak sek, ñig solwala ak sek ñig pakñeb tek migan ak gilak. Ñig pakñeb gak anib ak, kilop aglek Mosis binib ne okok yeligipal. <sup>3</sup> Pen kilop midupsek God Kawnan ne ak tap midup ñakniñ jimñil ñibeligipal, <sup>4</sup> ñig ñiñeb ñakniñ jimñil ñibeligipal. Ñig anib ak, God kab kili ayip ajeligipal ak gek, nab ak wikil

---

**9:27** Lom 6.18-19, 8.13, 13.14, 2 Ko 13.5-6, Kol 3.5      **10:1** Kis 13.21-22, 14.22-29, Nam 9.18, Neh 9.12, Sng 78.13      **10:3** Kis 16.35, Neh 9.15, 9.20, Sng 78.24      **10:4** Sng 78.15

apek ñiñilak. Kab anib ak nim, Klays nokom. **5**  
 God pen kili kuñay yibil gilak tek nigeck nop yilik  
 gek, kilop gek, man nep binib ma yelak nab okok  
 milep lil kumil, chip takil won ak am okok okok  
 kum yeligi pal.

**6** Pen titay gak anib okok, chinop yomek niñid,  
 kili tap timel okok dun agil gilak tek anigil ma yibil  
 ginigun. **7** Kili oginap tap yepis okok sibog ñilig  
 agnigil gilak tek ma yibil ginimib. Anigilak anib  
 ak, buk Baybol ak tikil agak, Binib okok kili besigil  
 tap ñibilig, ñig ñibilig, tikjakil kigom pagilg yabal  
 gilg gel amnak agil tikak. **8** Pen oginap bin si  
 bi si gilak tek ma yibil ginigun. Anigilak ak nim,  
 ñin nokom kili anep 23,000 okok kumilak. **9** Pen  
 oginap Klays kiles ne anigep tek ma mideb agil  
 gilak tek ma yibil ginigun. Anigelak ne gek, yoy  
 salaw okok kilop suwel kumilak. **10** Pen oginap  
 pomil agil agilak tek ma yibil ginimib. Anigelak,  
 ensel binib paklep ak apil kilop paklek kumilak.

**11** Pen apis based kilop titay gak anib okok, binib  
 okok kilop yomek niñid, gos nigtep ginigel. Chin  
 pen, lum awl gjunig ñin kidek ownigeb ñin ak  
 midobun okok, God chinop niñid, kilop gos timud  
 wuken gos nigtep ginigel agil gos nigak. Gos anib  
 ak niñid, bi oginap kilop gek kesim anib okok buk  
 Baybol miñan ayan ñu kil tikilak. **12** Anib ak nibi  
 olap aginimin, Yad kiles gil jak midebin agenimin

**10:5** Nam 14.16, 14.29-30, Sng 106.26, Hib 3.17, Jud 5    **10:6** Nam  
 11.4, 11.34, Sng 106.14, 1 Ko 10.11    **10:7** Kis 32.6, 1 Ko 10.14

**10:8** Nam 25.1-18, Sng 106.29, Lep 2.14    **10:9** Kis 17.2, 17.7, Nam  
 21.5-6, Lo 6.16    **10:10** Kis 16.2, Nam 14.2, 14.29, 14.37, 16.41-49,  
 1 Sto 21.15, Hib 3.11, 3.17    **10:11** Lom 15.4, 1 Ko 10.6, Plp 4.5, Hib  
 10.25, 10.37, 1 Pi 4.7, 1 Jo 2.18

ak, apyap pakinimin tek lek nigtep yibil ginimin.  
**13** Tap si tap timel nibop lipig dad amnimum tek lup okok, nibop nep ma gup. Binib okok midupsek kilop anib ak tek gup. God pen agak tek midupsek kidek gil kod nep yenigab. Kod nep yenigab ak nim, ne gek, tap anib okok nibop lipig dad amil, nibop li tibikinimuñ tek ma linigab. Miñel apek nibi koslam yenigabim ak, God gek tap anib okok asik tep ginimib tek linigab.

*God nop ayip tap yepis agnigep okok ayip kigom  
 yimil agniginigun tek ma lup*

**14** Anib ak, binib mapen yad okok, tap yepis agnigep sibog ñeb ak asik tep ginimib. **15** Nibi binib gos timud sek midebim ak nim, takaw aginigebin ak, niñid akanj agil, nibi ke bilokil niginimib. **16** Ñig kinag God agek midtep gup ak dil, God nop tep agil ñibun ak, ñig wayn kinag migan anib ak ñibun won ak chinop gek, chin jimñil midil Klays nikim ne chinop nen sogak ak ayip jimñil midobun. Pen bilet tipagipun ak, ñibun won ak chinop gek, chin jimñil midil Klays mubwak ne ayip jimñil midobun. **17** Bilet kid nokom yek, chin midupsek bilet kid nokom anib ak tipag ñibun. Anib ak chin binib kunjay yibil mubwak nokom tek midobun.

**18** Yislel binib gipal ak gos nigim. Chag sipsip tap okok dad apil, God nop sibogep abañ adek ak siboginig pakipal ñin ak, binib apil ayip ñibal okok, gos adek nokom yek nim, jimñil God nop sibogilig

---

**10:13** Jer 29.11, 1 Ko 1.9, 2 Pi 2.9      **10:14** 2 Ko 6.17, 1 Jo 5.21

**10:16** Mat 26.26-28, Mak 14.22-24, Luk 22.19-20, Apo 2.42, 2.46

**10:17** Lom 12.5, 1 Ko 12.27, Epe 4.16      **10:18** Wkp 7.6, 7.15

ñibal. **19** Takaw agebin ak nepim akanj? Binib God nop ma nepal okok, tap pak sibog, tap yepis agnepal okok ñibal ak, tap niñid yibil agil nibop ma agebin. Pen tap yepis agnepal okok abe, tap niñid yibil agil nibop ma agebin. Mel yibil, tap anib okok tap yokip. **20** Yad pen anib agebin. Binib God nop ma nepal okok, tap yepis anib okok tap pak sibog ñibal okok, kili kicheki walijpal tap okok nep pak sibog ñibal, God nop pak sibog ma ñibal. Anib ak nim, nibi kicheki okok ayip jimñil nokom anib anep yenigabim ak, tep ma yibil ginigab agil anib agebin. **21** Biawl ñig wayn kinag chinop ñub ak sek, kicheki okok ñig kinag ñibal ak sek, ominal gil niñinimb tek ma lup. Biawl bilet chinop ñub ak sek, kicheki okok tap ñiñeb ñibal ak sek, ominal gil niñinimb tek ma lup. **22** Aniginigabun ak, Biawl ak chibol timel gek chinop milik nigan agil ginigabun akanj? Chin pen binib kiles timel yibil midobun, God bi kiles sikol gup ak agil, anib ak tek ginigun akanj? Mel yibil.

### *God nop yib awl ak pelpel ñinigun*

**23** Binib oginap apal, Chin titay ginig, takaw ma mideb ginigun tek lup apal. Niñid apal ak pen, adek oginap gil midtep ginigun tek ma linigab. Chin tap okok midupsek ginigun tek lup ak pen, anigil monmon gon binib chin oginap niñid, gos sek midil kiles gil jak tep gil yonigun tek ma linigab. **24** Chin ke midtep ginigun agil gos ak ma niginimb. Binib okok abe midtep gilañ agil gos ak niginimb.

---

**10:19** 1 Ko 8.4    **10:20** Lo 32.17, Sng 106.37, Lep 9.20    **10:21**

Lo 32.38, 2 Ko 6.15-16    **10:22** Lo 32.21, Ese 22.14    **10:23** 1 Ko

6.12    **10:24** Lom 15.1-2, 1 Ko 13.5, Plp 2.4, 2.21

**25** Yipil tap okok dapil maket lipal okok, monmon tawil niñinimib. Tap yepis agnigep okok sibogil dapil maket lipal akan agil gos awl ak niñid, takaw anib ak ma agniginimib.\* **26** Taynen? Chin nopun, buk Baybol ak tikil anib agak, Lum awl sek, tap okok lum awl mideb ak sek, anib okok midupsek Biawt tap ne nep agil tikak.

**27** Pen binib Klays nop gos ma nigup olap nibop aginimuñ, Apem tap niñjun agonimuñ, kal nop amnigun agil gos niginigabim ak, monmon amil, tap titay dapil niñimuñ ak niñinimib. Tap yepis agnigep okok sibogil dad opal akan agil gos awl ak niñid, takaw anib ak ma agniginimib.

**28** Pen am midil, bi olap nibop agil aginimuñ, Tap niñinigobun awl, tap yepis agnigep okok pak sibogil dapil lipal agonimuñ, ma niñinimib. Nibi niñinig niñikep ak pen, ne gittep gobun akan gi timel gobun gos kuñay niginimuñ tek lek, nop nen agil keliginimib. **29** Nibi tap anib ak niñibil nim, tap timel agil gos niginigabim ak ma agebin. Bi anib ak pen, ne nibi tap anib ak niñinigabim ak niñid, kili tap timel gebal agil gos niginimuñ agebin. Pen nibi oginap aginigabim, Bi olap chinop taynen gos kuñay niginigab aginigabim? Taynen yad ginim agil gos nepin ak kidek ma ginim, bi anib ak gos ne ke ginimin agil gos nigup ak kidek ginim

\* **10:25** Niñ oginap, bi oginap tap yepis agnepal okok tap pak sibog nil, kidek dad amil maket ak lipal. Pol pen anib agup, Binib Klays yil midebal okok, kili tap yipil anib ak tawpal ak, niñid gos pal ma linigel agup. Pen kili tawil niñibil, gi timel gobun agil gos ma niginigel agup. **10:26** Kis 19.5, Lo 10.14, Sng 24.1      **10:27** Luk 10.8

aginigabim? <sup>30</sup> Tap niñeb anib okok, God nop tep agil niñinigabun ak, taynen bi olap chinop takaw timel agil agjunimuñ aginigabim?

<sup>31</sup> Anib ak pen, tap niñinig akanj, niñig niñinig akanj, titay ginig, God nop yiñ awl niñig anib okok midupsek ginimib. <sup>32</sup> Juda binib akanj, binib Juda mel akanj, God binib ne pelpel apnan gipal okok kilop gos niñid, tap oginap gonigun kilop gek apyap pakinigel tek linigab agil, anib okok ma ginimib. <sup>33</sup> Yad abe midupsek gipin ak, binib okok midupsek kili nigel kilop tep gañ agil anigipin. Yad ke midtep gin agil gos ak niñid ma gipin. Yad pen binib kuñay yiñil midtep gilañ agil gos ak niñid anigen, God kilop tig asik dinimun.

## 11

<sup>1</sup> Yad Klays gup tek niñid kidek gipin tek, niñi yad gipin tek niñid kidek ginimib.

### *Bin okok kimig pak yu ginigel*

<sup>2</sup> Pen niñi pel yiñ nigilig midil, God takaw niñop agñinek ak midupsek nig dil, nigilig yiñil midebim. Anib ak tek yad agebin, Niñi tep yiñil gebim agebin. <sup>3</sup> Pen takaw miñil aginigebin ak abe niginimib agil gos nepin. Klays ne bi okok midupsek kimig muk okok kili tek mideb, nigimil okok bin kimig muk okok kili tek midebal, God ne Klays kimig muk okok ne tek mideb. <sup>4</sup> Bi olap kimig pak yu gilig, God nop agup akanj, God bi anib ak nop gos

---

**10:30** Lom 14.6, 1 Ti 4.3-4      **10:31** Kol 3.17, 1 Pi 4.11      **10:32**  
Lom 14.13, 1 Ko 8.13, 2 Ko 6.3, 1 Ti 3.5      **10:33** Lom 15.2, 1 Ko  
9.20-22, 10.24      **11:1** 1 Ko 4.16, Epe 5.1, Plp 3.17, 2 Te 3.9      **11:3**  
Stt 3.16, 1 Ko 3.23, 15.27-28, Epe 5.23, 1 Pi 3.1, 3.5-6

ñek agñub ak, ne anigek kimig ne Klays bi yokip kimig olap tek lup. <sup>5</sup> Bin olap pen kimig ma pak yu gilig, God nop agup akan, God bin anib ak nop gos ñek agñub ak, ne anigek kimig ne nigimil nim bi yokip kimig olap tek lup. Bin anigup ak, bin kimig ak misen mideb tek nep midil, omijal gil nebeñ gup. <sup>6</sup> Pen bin olap kimig ma pak yu genigab, kimig wij ne ak tik wulep gonimun. Ne pen kimig wij tik wulep gil akan pisnep tik yokek nebeñ gonimun tek, kimig pak yu ginimun. <sup>7</sup> Bi ak ne God mideb tek midil, anigil midek God yib awl mideb ak misen yomeb, anib ak tek kimig ma pak yu ginimun. Bin pen, bi yib awl mideb ak misen yomeb.

<sup>8</sup> Chin nopun, God bin tigilem kid ak dil, bi ma gilak. Bi tigilem kid ak dil, bin gilak. <sup>9</sup> Pen abe, God bin giñeb ne olap ma yek bine nop gilinim agil, gos anib ak ma nigak. Bi giñeb ne olap ma mideb agil, bin ne nop gilak. <sup>10</sup> Anib ak tek, bin ak kimig pak yu gil midek, ensel nig midebal okok niginigabal, bine muk okok midilig God wog ne geb.

<sup>11</sup> Binib pen Biawl ayip jimñil midebal okok, bin kili ke midtep ginig ma gipal, bi kili ke midtep ginig ma gipal. Mel yibil. Bin kili bi giñeb midebal, bi kili bin giñeb midebal. <sup>12</sup> God ned bi tigilem kid ak dil bin ak gilak ak pen, miñil bin okok kili midil chinop bi tik lipal. Pen God ne jij ak nim, binib tap okok midupsek ne gilek mideb.

<sup>13</sup> Nibi ke takaw nim ak tig asikinimib. Bin olap kimig ma pak yu gilig God nop aginigab ak, tep ginigab akan? <sup>14</sup> Binib lum awl pel gipal ak nibop yomek nepim, bi ak kimig wij palawl yenigab,

tep ma gek yib ne apyap pakinigab. **15** Bin pen kimig wij palawl jakonigab, kimig wij ne palawl ak tib kadig nub tek yenigab. Yaw, God bin kimig pak yu ginimuñ agil, nop kimig wij palawl ak nub. **16** Binib olap pen takaw anib ak ninjd, penpen agilig yonigun agil gos ninjd nim, aginigebin ak gos nigtep ginimuñ. Chin takaw olap ke kidek ma gipun, God binib ne pelpel apnan gipal okok abe takaw olap ke kidek ma gipal.

*Kili Biawl tap midup sek ñig wayn sek ne ak ñijinig, gitep ma gipal*

**17** Pen takaw oginap nibop agñilig aginigebin. Nibi God nop gos niginig apnan gipim ak, midilig gitep ma gipim. Tap nibi gipim anib ak, teplep ma gup. Anib ak nibi gitep gem nigen yip tep gup agil ma agebin. **18** Yad ned nibop nim ak aginigebin. Takaw oginap agel nepin, anigil mideb, nibi Klays binib ne apnan gil takaw ne agñibim ñin ak, asik pis ak ke, pis ak ke lipim. Takaw apal anib ak, oginap gem ninjd apal agil nepin. **19** Pen gos adek keke ninjd asik pis ak ke, pis ak ke lem amnimuñ anib ak, binib nibi an yil God nop chig tep gel nigek nop tep gup okok kilop, misen yibil niginigabim. **20** Ak tek ak nibi apnan gil tap ñibim anib ak, Biawl tap midup sek ñig wayn sek ne ak ñibobun agil ñibim ak pen, yepis agil Biawl tap ne ma ñibim. **21** Taynen anib apin? Apnan gil tap ñijinig ak pen, mam ay oginap kod ma yesipim. Oginap ned apil, tap nibi kasek dil keke ñibim. Anigek, oginap yuwan midilaknij, oginap tap awl ñibil ñig

wayn kunjay ñibil sawl lipim. <sup>22</sup> Titay dil? Kal ñibi tap ñibilig ñig ñibilig gipim ak ma yek akan? God binib ne pelpel apnan gipal okok niñid, kili tap yokip yibil agil anigipim akan? Mam ay yuwan nen midebal okok, kilop nebeñ awl dinimuñ agil anigipim akan? Ñibop tay aginim? Ñibi gittep gem nigen yip tep gup aginim akan? Anigipim anib ak, gittep gem nigen yip tep gup ma agebin.

*Biawl Jisas bine okok kilop tap midup sek ñig wayn sek ñak*

*(Matyu 26.26-29, Mak 14.22-25, Luk 22.14-20)*

<sup>23</sup> Takaw anib ak nibop agñinek ak, Biawl ak yip ñak ak nep aginek. Takaw anib ak anigil mideb. Jisas nop chen gi dad amnak ñin ak, sib gakniñ, Biawl Jisas ne tap midup dil, <sup>24</sup> God nop tep agil, tipagil agak, Mubwak yad ak ñen, nibop gek midtep ginigabim agak. Ñibi dil gos yip nigilig ñinjinimb agak. <sup>25</sup> Pen tap ñibdil, ñig wayn kinag anib nep gil agak, Ñig wayn kinag anib ak, God nibop binib yad agil dinigayn agak takaw konjim ak tek mideb agak. Nikim yad ak ñen, takaw konjim anib ak am wos ginigab agak. Ak nim, ñin akal ñig wayn awl ñinjinigabim ak, yip gos nigilig ñinjinimb agak. <sup>26</sup> Ak pen ñin akal tap midup ak sek ñig wayn ak sek pel ñinjinigabim ak, Biawl ak yul dil kumak takaw ak agñinigabim tek ñinjinigabim. Anigil ñibem mid dad amil, Biawl adikid ownigab ñin ak.

---

**11:22** Jem 2.5-6    **11:23** Mat 26.26, Mak 14.22, Luk 22.19    **11:25**  
Kis 24.6-8, Jer 31.31-34, Sek 9.11, Hib 8.8-13    **11:26** Jon 14.3, Apo 1.11, 1 Te 4.16, Lep 1.7

*Taydil tek midobun agil gos nigtep ginigun nim,  
tap midup sek ñig wayn sek ñinjinigun*

**27** Anib ak, binib Biawl tap midup sek ñig wayn sek tap yokip agil ñibenigel, kili Biawl mubwak nikim ne ak tap yokip tek lek nigel, God nigeck gach sek yenigabal. **28** Kili keke ned taydil tek midebin agil gos nigtep ginigel nim, tap midup sek ñig wayn sek ñinjinigel. **29** Taynen? Binib Biawl mubwak ne ak gos nigtep gil tig asik ma lil, tap midup ñibilig ñig wayn ñibilig anigipal okok, kili ke yul dinig anigel God kilop gi timel ginigab. **30** Adek anib ak nep, binib nibop kuñay kiles ma gil, tap gil, oginap pisnep kubal. **31** Chin pen ned taydil tek midobun agil gos nigtep ginigun. Gonigabun, Biawl ak ne chinop gi timel ginim agil ma nigeck, takaw ma dinigabun. **32** Biawl pen chin gipun ak tig asikup ak, chinop yokip miñel ñilic timud wukup mel. Timud wukek nim gos nigon, ne binib lum awl okok kilop yul awl ñil gi timel ginigab ñin ak, chinop ayip ma ginigab.

**33** Anib ak tek, mam ay sikop, Biawl tap ne ñinjinig apnan gil, binib oginap tawsak lil ma ñinjinimb, kilop kod midil jimñil ñinjinimb. **34** Nibi olap yuwan gup tek, kal ne ke tap ñibil ownimur. Mel ak apnan gipim ak monmon gem, God nibop gi timel gek takaw dinigabim. Pen takaw day oginap mideb ak, kidek midebim ak amil, agñi tep gil gilitep ginigayn.

---

**11:27** Nam 9.10, 9.13, Jon 6.51, 6.63-64, Hib 10.29  
26.22, 2 Ko 13.5, Gal 6.4      **11:31** Sng 33.5, 1 Jo 1.9  
94.12-13, Hib 12.5-6, 12.11

**11:28** Mat  
**11:32** Sng

## 12

*God Kawnan ne ak kiles teplep keke ñub takaw ak*

<sup>1</sup> Mam ay s̄ikop, yad God Kawnan ne ak kiles keke ñub takaw ak, anib ak nibi nigtep ginimib agil gos niñid, nibop agtep ginigebin. <sup>2</sup> Niñ nepim, ned God nop kidek ma geligipim ñin ak, tap keke okok nibop gos lipigek, tap yepis takaw ma agep anib okok yil pel amil agnig yeligiñim. <sup>3</sup> Anib ak nibop agtep gen nigtep ginimib. God Kawnan ne ak bi olap nop gos ñakniñ, ne Jisas pisnep apyap pakil kul gonimun agep tek ma lup. Pen God Kawnan ne ak bi olap nop gos ma ñek, Jisas ne Biawl mideb agep tek ma lup.

<sup>4</sup> God Kawnan ne ak kiles teplep keke ñub ak pen, God Kawnan ne ak nokom yibil mideb.

<sup>5</sup> Biawl ak wog ne keke yek tek giñibun ak pen, Biawl ak nokom yibil mideb. <sup>6</sup> God chinop midupsek gos keke kiles keke ñakniñ, wog ne keke giñun ak pen, God ne nokom yibil mideb. <sup>7</sup> Pen God Kawnan ne ak binib ne kilop keke kiles ñek misen lek, kili binib ne okok midupsek kilop ditep gil giñinigabal. <sup>8</sup> God Kawnan ne ak binib olap kiles ñek, gos nigep takaw ak niñid agñub. Kawnan ne nokom ak, binib olap nop kiles ñek, takaw ak nigtep gil agñub. <sup>9</sup> Kawnan ne nokom ak binib olap nop kiles ñek, Klays nop kiles gil gos linigup.

**12:2** Sng 115.5-7, Hab 2.18-19, 1 Ko 6.11, Epe 2.11-12, 1 Pi 4.3

**12:3** Mat 16.17, Mak 9.39, 2 Ko 3.5, 1 Jo 4.2-3      **12:4** Epe 4.4, Hib 2.4, 1 Pi 4.10      **12:4** Lom 12.6-8      **12:5** Lom 12.6-8, Epe 4.11

**12:7** 1 Ko 14.26, Epe 4.7, 1 Pi 4.10-11      **12:8** 1 Ko 13.2, 2 Ko 8.7

**12:9** Mat 17.19-20, 1 Ko 13.2, 2 Ko 4.13, Jem 5.14

Kawnan ne nokom ak binib olap nop kiles ñek, binib tap gup okok gek kilop sun lup. <sup>10</sup> Kawnan ne nokom ak binib olap nop kiles ñek, tap mageptek okok gup, binib olap nop kiles ñek, God gos ñeb takaw ak agñub, binib olap nop kiles ñek, God Kawnan ne wog ak akanj, kicheki wog ak tig asikil nigtep gup. Pen Kawnan ne nokom ak binib olap nop kiles ñek, takaw yibil keke agup, binib olap nop kiles ñek, takaw yibil keke agel ninjd, tig adikil agñub. <sup>11</sup> God Kawnan ne ak nokom yibil mideb ak, ne anib okok midupsek nep gup. Gos ne ke nigup tek, binib olap nop kiles teplep olap ñub, binib olap ke nop kiles teplep olap ke ñub.

*Chin midupsek jimñil, Klays wak day ne tek ak keke midobun*

<sup>12</sup> Binib olap mubwak ne nokom mideb ak, day keke mideb. Pen day keke mideb anib okok midupsek, jimñil mubwak nokom olap mideb. Klays ne abe anib ak tek mideb. <sup>13</sup> Pen God Kawnan ne nokom ak chinop midupsek gek ñig pakinok. Chin Juda binib okok ke, binib Juda mel okok ke midil, binib wog giñeb biawl olap muk okok midebal ke, binib wog gep biawl olap muk okok ma midebal okok ke midil, midupsek ñig pakñil miñil mubwak nokom tek midobun. Pen God chinop midupsek gek, God Kawnan ne ak ñig ñinjinok tek don, chinop nab ayan am yek.

<sup>14</sup> Chin nopun, mubwak ak day nokom ma mideb, day keke mideb. <sup>15</sup> Tob kid ak ne aginigab,

---

**12:10** Apo 2.4, Lom 12.6, 1 Ko 14.5, 14.29, 1 Jo 4.1    **12:11** Lom 12.4-8, 1 Ko 7.7, 2 Ko 10.13, Hib 2.4    **12:12** Lom 12.4-5, 1 Ko 10.17, Gal 3.16, Epe 4.4, 4.16    **12:13** Jon 6.63, Lom 6.5, Gal 3.28, Kol 3.11

Yad ñin kid ak ma midebin, anib ak tek mubwak day olap ma midebin, yad ke midebin agenigab, mel ak, tob kid ak mubwak day olap mideb. <sup>16</sup> Pen timud ak, Yad widin ak ma midebin, anib ak tek mubwak day olap ma midebin, yad ke midebin agenigab, mel ak, timud ak mubwak day olap mideb. <sup>17</sup> Mubwak ak widin okok midupsek midobikop ak, titay dil takaw agel timud pak nopikop? Mubwak ak timud okok midupsek midobikop, titay dil kuy pag nopikop? <sup>18</sup> Mubwak ak pen anigil ma mideb. God gos ne ke ninjd, mubwak day nokom nokom dil mubwak midupsek gilup. <sup>19</sup> Pen mubwak ak day nokom yibil yobikop, titay dil mubwak yibil ak yobikop? <sup>20</sup> Mubwak ak pen anigil ma mideb. Mel yibil. Day kunjay mideb ak pen, mubwak ak nokom mideb.

<sup>21</sup> Pen widin ak aginigab, Ñin kid ak taynen yad ayip mideb, wog ne olap ma mideb agenigab, asik ke nep midil midtep ma ginigab. Pen kimig won ak aginigab, Tob kid okok taynen yad ayip mideb, wog ne olap ma mideb agenigab, asik ke nep midil midtep ma ginigab. <sup>22</sup> Mubwak day oginap kiles ma mideb agil gos nopun ak, anib okok asik keke lup tek, mubwak ak midtep ginimuñ tek ma linigab. <sup>23</sup> Mubwak day oginap yokip mideb agil gos nopun ak, tib kadig ñibun. Mubwak day oginap binib nigel, chinop nebeñ gup agil gos nopun ak, sibnag walij yim yu gipun. <sup>24</sup> Pen mubwak day okok ninjd tep mideb agil gos nopun ak, keligil sibnag walij yim yu ma gipun. God pen, ne mubwak ak day okok midupsek gittep gil

jimñil lek, mubwak nokom yibil middeb ak nim, day oginap yib ma middeb tek, God gek yib awl middeb.  
**25** God ne mubwak day okok asik keke linigel tek lup ak agil anigek, adip adip tek midil nim, penpen chib nepal. **26** Anib ak tek, day olap yul genigab, mubwak day okok midupsek ayip yul ginigabal. Pen day olap yib awl denigab, mubwak day okok midupsek ayip tep ginigab.

**27** Pen nibi Klays mubwak ne midebim, nokom nokom wak nin kid tob kid ne okok tek midebim.  
**28** Pen God ne binib yad yil midupsek, kili keke wog ginigel agil, kilop anigil aglup. Oginap ned aglek, bi Jisas takaw nop dad ameb wog ak gipal. Oginap nab ak aglek, bi God gos nek agneb wog ak gipal. Oginap nab peñ ak aglek, kili God binib ne kilop takaw agnitetep gep wog ak gipal. God abe aglek, oginap tap mageptek okok gipal, oginap binib tap gup okok gel kilop sun lup, oginap binib kilop yimug ninid ditep gipal, oginap God binib ne okok kilop kod midil agel, wog ayip gitep gipal, oginap takaw yibil keke apal. **29** Titay dil? Midupsek bi Jisas takaw nop dad ameb wog ak gipal akan? Midupsek bi God gos nek agneb wog ak gipal akan? Midupsek kili God binib ne kilop takaw agnitetep gep wog ak gipal akan? Midupsek tap mageptek okok gipal akan? **30** Midupsek binib tap gup okok gel kilop sun lup akan? Midupsek takaw yibil keke apal akan? Midupsek takaw yibil keke agel ninid, tig adikil agnibal akan? Ak mel. Kili midupsek wog adek keke gipal. **31** Pen God Kawnan ak kiles keke nub ak, nibi kiles teplep yibil nub okok kiles gil

dinigun agil gos niginimib. Pen miñil tap gittep gep adek ak nep nibop agñinigebin.

## 13

### *Penpen mapen lep ak, tap awlyibil mideb*

<sup>1</sup> Yad binib takaw yibil keke apal tek ayip, ensel takaw apal tek agenim ak pen, binib kilop mapen ma lenim, yad anib ak tek midebin. Akil yokip yokip nep pugipal, mab pidim yokip yokip nep pakipal tek midebin. <sup>2</sup> Pen yad bi God gos ñek agñeb olap midil, God gos ne we gak ak midupsek nigtep gil, gos tipagil ke yibil niñid, Klays nop gos liniñid, dum oginap agen ke okok amonimuñ ak pen, binib kilop mapen ma lenim, tap yokip yibil tek midebin. <sup>3</sup> Tap yad midupsek mideb tek, bilok binib tap ma mideb okok kilop ñenim, pen yad niñid keligenim bi yip apil chichik dil, mab yinub nab ak diyokel kumnigayn\* ak pen, binib kilop mapen ma lenim, tap genim anib okok yip gek midtep ginim tek ma linigab.

<sup>4</sup> Bi ak binib kilop mapen lup ak, ne anigil gup. Binib okok kilop yilik ma niñid kabiyam ma juwil, mapen niñid ditep gup. Binib okok tap tep del, kilop milik ma nigup. Yad yib awl midebin agil gos ma niñid, yib ne ke dad ma aplanub. <sup>5</sup> Ne ke tap ak tap ak gilig suk awl ma gup. Tap ne okok nep

---

**13:2** Mat 17.20, 21.21, Mak 11.23, Luk 17.6, 1 Ko 12.8-10, 12.28

**13:3** Mat 6.2      \* **13:3** Glik takaw mij nedil tikilak okok, takaw anib ak midupsek takaw nokom jimñil ma tikilak. Oginap takaw tikil anib agilak, Bi yip apil chichik dil, mab yinub nab ak diyokel kumnigayn agil tikak. Oginap pen tikil anib agilak, Bi yip apil chichik del, yad yib awl yibil dinigayn agil tikilak. **13:4** Snd 10.12, 1 Pi 4.8    **13:5** 1 Ko 10.24, Plp 2.4

gos ma n̄igup. Milik kasek ma n̄igup. Binib okok nop gi timel gel, gos anib ak n̄igilig ma m̄ideb. <sup>6</sup> Binib tap timel gipal ak, n̄igek nop tep ma gup ak pen, kili tap git̄ep gipal ak n̄igek, nop tep gup. <sup>7</sup> Tap timel okok nop gek ma apyap pakup. Pel Klays nop gos linijid, midtep ginigayn agil gos sek kod midil, miñel titay apek, pel kiles gil jak mideb.

<sup>8</sup> Binib kilop mapen lep anib ak, pel pelnep yenigab. Pen God binib gos ñek agñeb wog ak amek gjunigab. Kilop kiles ñek takaw yibil keke apal ak amek gjunigab. Kilop kiles ñek gos nigtep gep ak amek kul gjunigab. <sup>9</sup> Ak tek ak chin miñil gos sikol sikol nep nig midobun, God chinop gos ñek agñibun ak gos ne sikol sikol nep nig midobun. <sup>10</sup> Kidek pen, okok midupsek teplep yibil mideb ñin ak ownigab ak, tap dayday mideb okok midupsek gjunigab. <sup>11</sup> Yad ñisikol yeligiñin ñin ak, yad ñisikol takaw ak agil, ñisikol gos ak niñid, ñisikol tap titay dil mideb ak agil gos ak niñid geligiñin. Pen awl gil bi midebin ñin ak, ñisikol gos niñid gipal anib ak keligiñin. <sup>12</sup> Miñil God tap ne wiñin n̄opun okok, nigtep ma gil, n̄ig kawnan pag nepal tek ak n̄opun ak pen, kidek God nop jomulik ak penpen n̄iginigabun. Miñil God tap ne gos n̄opun okok, dayday tek n̄opun ak pen, kidek God chinop miñil nigtep gup tek, n̄op nigtep ginigabun.

<sup>13</sup> Ak pen tap omiñal nokom anib okok mideb. Klays nop gos linigeñin ak, God nop gos sek kod mideb ak, binib okok kilop mapen lep ak. Pen tap

---

**13:6** Sng 10.3, Lom 1.32, 12.9, 2 Jo 4    **13:7** Lom 15.1, 1 Ko 9.12, Gal 6.2, 2 Ti 2.24, 1 Pi 4.8    **13:12** Mat 18.10, 2 Ko 3.18, 5.7, Plp 3.12, Jem 1.23, 1 Jo 3.2    **13:13** 1 Te 1.3, 1 Jo 4.16

awl yibil ak nim, binib okok kilop mapen lep ak.

## 14

*God chinop gos ñek agñeb ak dinigun agil, kiles gil aniginimib*

<sup>1</sup> Nibi binib okok kilop mapen linimib, kiles timel gil aniginimib. Pen God Kawnan ak kiles keke ñub ak, abe kiles gil dinigun agil gos niginimib. Kiles keke ñub ak dinigun gos nepim ak pen, God chinop gos ñek agñinigun agil gos ak ned niginigabim ak, tep yibil aniginigabim. <sup>2</sup> Chin nopun, binib takaw yibil keke apal okok, binib oginap kilop takaw ma apal. God nop nokom apal. Takaw apal anib okok, binib oginap ninjd takaw tay agebal agil, ma nepal. God Kawnan ne ak pen, kilop kiles ñek takaw we gep ak apal. <sup>3</sup> Binib pen God kilop gos ñek agñibal okok, binib oginap kilop takaw apal. Takaw anib ak agel nim, binib oginap ninjd kiles gil jak tep gil midil, gos sek midil, gos kunjay ma ninjd midtep gipal. <sup>4</sup> Bi God Kawnan ne ak nop kiles ñek takaw yibil keke agup ak, ne ke gos sek midil kiles gil jak tep gil mideb. Bi pen God nop gos ñek agñub ak, ne Klays binib ne pelpel apnan gipal okok kilop agtep gek, gos sek midil kiles gil jak tep gil midebal. <sup>5</sup> Nibi midupsek, God Kawnan ne ak nibop kiles ñek, takaw yibil keke aginimib agil gos nepin. Gos olap adek awl ak pen nepin, God nibop gos ñek agñinimib. Binib God Kawnan ne ak kilop kiles ñek takaw yibil keke agenigel okok, tig adikil agtep gil agñenigel, gitep gil Klays binib ne okok kili gos sek midil kiles gil

jak tep gil yenigel. Binib pen takaw yibil keke apal ak tig adikil agñenigel tek ma lup okok, gittep ma gil wog kili sikol gipal. Pen binib God kilop gos ñek agñibal okok, kili gittep gil wog awl gipal.

<sup>6</sup> Pen mam ay sikop, yad midebim ak amil, God Kawnan ne ak yip kiles ñek takaw yibil keke agenigayn, titay dil takaw anib ak nibop gek midtep ginigabim? Yad nibop gen midtep ginimib agil gos nigenim, angil aginim. God gos ne ak misen lil yip agek agñil akan, gos teplep yip owup tek agil akan, God yip gos ñek agñil akan, God takaw tep agyikil akan, anib agenim midtep ginigabim. <sup>7</sup> Nibi anib ak gos niginimib. Gawb gita tap okok binib kawnan tek ma midebal ak pen, tap anib okok gittep gil pakenigel binib kilop tep ginigab. Pen tap anib okok agtep ma gek, binib okok titay dil kimep olap niñid anib agenigabal, Kimep anib ak pakilig nigobun agenigabal? <sup>8</sup> Pen abe, akil ak pugel agtep ma gek, bi tikjakil penpen ginigun agil, tap dilitep gil kod ma yenigab. <sup>9</sup> Anib ak tek nim, nibi takaw yibil keke agenimib, binib kili titay dil takaw agebal ak agil, takaw nibi jj ak niginigabal? Nibi ke nep ag ag keliginigabim. <sup>10</sup> Lum awl ak, takaw yibil okok kuñay yibil mideb, midupsek takaw jj ak midakniñ apal, yokip ma apal. <sup>11</sup> Yad pen binib oginap takaw yibil olap agenigabal ak ma nigenigayn, kilop nigen, binib palawl okok nib tek linigab. Kili pen yip nigel, yad bi palawl okok nib tek linigab. <sup>12</sup> Nibop anib ak tek nep ginigab ak, nigtep ginimib. God Kawnan ne ak kiles keke ñub ak dinigun agil pel gos nepim tek, kiles ne teplep yibil ñub ak dinigun agil kiles gil ginimib. Kiles ne anib okok dil, Klays binib ne okok

kilop gem, gos sek midil kiles gil jak tep gil yenigel.

*God Kawnan ne ak binib kilop kiles ñek takaw  
yibil keke apal takaw ak*

<sup>13</sup> Anib ak bi olap God Kawnan ne ak nop kiles ñek takaw yibil keke olap agup ak, ne takaw yibil keke olap apin ak tig adikil agñinim agil, nop agniginimuñ. <sup>14</sup> Mel ak, yad takaw yibil keke olap agilig God nop apin won ak, gos yad ak yokip mideb. Nab yad ayan ke anib agan agek nep apin. <sup>15</sup> Anib ak tek yad titay dinigayn? Yad God nop aginig, nab yad ayan agek agil, gos yad ak abe niñid anib agil ginigayn. Kimep aginig, nab yad ayan agek agil, gos yad ak abe niñid anib agil ginigayn. <sup>16</sup> Nibi anigil ma genigabim, nab nibi ayan ke anib agan agek nep agilig, God nop tep agenigabim, binib yokip nab nibi yenigabal okok, takaw nibi aginigabim anib ak ma yibil niginigabal. Anib ak kili titay dil takaw nibi God nop tep agep ak niñid, niñid yibil apim aginigabal? Aginigel tek ma linigabal. <sup>17</sup> Nibi God nop tep agilig agtep gil yenigabim ak pen, kili takaw anib ak niñid, gos sek midil kiles gil jak tep ma yenigabal.

<sup>18</sup> God Kawnan ne ak chinop kiles ñek takaw yibil keke apun ak, yip kiles ñek kunjay yibil keke apin, nibop ñek sikol apim. Anib ak God nop tep apin. <sup>19</sup> Yad pen, Klays binib ne pelpel apnan gipal okok kili apnan gil yelakniñ, kilop agtep giñin agil, takaw sikol won olap agñen misen nig dinigabal gos nepin. Ak tep yibil. Takaw yibil keke kunjay yibil okok aginigayn agil, gos ma niginigayn.

**20** Mam ay sikop. Ñapay sikol gos nepal tek ma niginimb. Ñapay sikol tap timel ma gipal ak, nibi anib tek yenimib ak pen, binib awl gos nepal tek niginimb. **21** God takaw ak tikil anib agak,

Biaawl ak ne agup, Binib pal okok nib, takaw yibil kili ke olap apal okok, kilop agen, kili binib yad okok kilop aginigabal agup agil tikak. Aginigabal ak pen, binib yad okol takaw anib ak dinigun agil gos ma nep niginigabal agup agil tikak.

**22** Anib ak tek, God Kawnan ne ak binib kilop kiles ſek takaw yibil keke apal ak, binib yip gos ma linepal okok niginigel agil gup. Binib yip gos linepal okok niginigel agil ma gup. God pen binib kilop gos ſek agñibal ak, binib yip gos linepal okok niginigel agil gup. Binib yip gos ma linepal okok niginigel agil ma gup.

**23** Anib ak, nibi Klays binib ne pelpel apnan gipim okok apnan gil, midupsek kiles dil takaw yibil keke agenigabim, pen binib yokip oginap akan, binib Klays nop gos ma linepal oginap, kili migan ayan apil nibop niñid, tay aginigabal? Nibi binib sawl sek lup aginigabal. **24** Nibi pen God nibop midupsek gos ſek agñenigabim, binib Klays nop gos ma linepal oginap akan, binib yokip oginap, kili migan ayan apil nibop nigel, takaw nibi anib ak kilop gek, chin binib tap si tap timel gipun ak agil gos nigtep ginigabal. **25** Pen tap timel we gil gos kili nab ayan yenigab ak, miseñ lìl yenigab.

**14:20** Mat 18.3, Lom 16.19, Epe 4.14, Plp 3.15, Hib 5.12-14, 1 Pi 2.2

**14:21** Ais 28.11-12, Jon 10.34    **14:23** Apo 2.13    **14:24** Jon 16.8

**14:25** Ais 45.14, Sek 8.23, Jon 4.19

Anigek, kili kigom yimil, jel kuyan gil jomulik ak di lum ayan lil, God yib nop dad aplanilig aginigabal, Niñid apun, God nibi ayip mideb aginigabal.

*Klays binib ne pelpel apnan gipal won ak, anigil  
gitep ginigel*

**26** Anib ak mam ay sikop, apnan gipim ñin ak, tay ginimib? Nibi midupsek wog midebim. Olap kimep agup, olap God takaw tep agyikup, olap God gos ne ak misenj lil nop agek agñub, olap God Kawnan ne ak nop kiles ñek takaw yibil keke agup, olap takaw yibil keke apal anib okok niñid tig adikil agñub. Tap anib okok midupsek gipim ak, Klays binib ne okok kili niñid gos sek midil kiles gil jak tep gil yenigel agil nep ginimib. **27** Binib God Kawnan ne ak kilop kiles ñek takaw yibil keke aginig, omijal akan, omijal nokom nep aginigel. Kili jimñil ma aginigel. Mel. Olap ned agñek, olap kidek agñinimuñ. Pen olap takaw aginigel okok niñid, tig adikil agñinimuñ. **28** Pen takaw aginim agil, tig adikil agñinimuñ olap ma yonimuñ, takaw yibil keke aginigeb ak binib nab okok ma aginimuñ. Ne ke kimigel nab ayan agilig, God nop agilig yonimuñ.

**29** Pen binib God gos ñek agñeb omijal akan, omijal nokom, kili agñinigel. Agñel, binib oginap takaw anib ak tig asik linigel. **30** Pen binib oginap besig nig midebal okok, olap God ne nop gos ñonimuñ, bi ned tikjakil aginimuñ ak ne keligil, takaw ma agonimuñ. **31** Anigem, nibi midupsek nokom nokom God gos ñeb ak agñinimib tek lek,

ag dad amil apil gil nim, Klays binib ne midupsek niñid, gos tipagil gos sek yenigel. <sup>32</sup> Pen binib God gos ñek agñeb okok, joñib kili ke kod midilig, takaw aginigel won ninokom kod midilig aginigel. <sup>33-34</sup> Chin nopun, God gek binib ne okok monmon ma gipal. Tap ne okok yipid gilitep gek, gos ne anib ak nigilig wog gel amek, kimigel midtep gipal.

Pen Klays binib ne God nop gos nigilig apnan gipal won ak, bin okok takaw ma agil, kimigel yenigel. Klays binib ne pelpel apnan gipal man keke okok midupsek, kili anib ak tek nep gipal. Bin okok bi kili muk okok yenigel. Takaw anib ak, takaw Mosis ñu kil tikak ak anib ak tek nep agup. <sup>35</sup> Pen bin okok takaw oginap sek nigun agil nim, kal kili okok amil nigimil sikop kilop agniginigel. Nib nepim, bin Klays binib ne pelpel apnan gipal okok nab ak agenigab, tep ma gek nop ke neben ginigab.

<sup>36</sup> Titay dup? God takaw ne ak nibi yil owup akan? Takaw ne ak nibop nep owak akan? Mel yibil. <sup>37</sup> Bi olap yad bi God gos ñek agñeb ak akan, bi God Kawnan ne ak yip kiles ñek wog gep ak agil gos nigup ak, ne gos nigtep ginimuñ. Takaw nibop kil tikebin anib awl, Biawl takaw kiles ne agup ak niñid kil tikebin. <sup>38</sup> Pen ne takaw anib awl ma nige, takaw aginimuñ ak ma niginimib.

<sup>39</sup> Anib ak mam ay sikop, God chinop gos ñek agñinigun agil, kiles gil gos niginimib. Pen binib God Kawnan ne ak kilop kiles ñek takaw yibil keke apal okok, kilop keligim ma aginimib. <sup>40</sup> Nibi God

---

**14:33-34** 1 Ko 11.3, 14.40, Kol 3.18, 1 Ti 2.11-12, Tat 2.5, 1 Pi 3.1

**14:37** 2 Ko 10.7, 1 Jo 4.6    **14:39** 1 Ko 12.31, 1 Te 5.20    **14:40** 1 Ko 14.33, Kol 2.5

nop gos nigilig apnan gipim won ak, monmon maginimib, yipid gilgilitep gilig gem amnimunj.

## 15

### *Klays kumil tepayan tikjakak*

**1** Pen mam ay sikop, takaw teplep nibop agñinek ak, nibop agñitep ginigebin. Takaw teplep anib ak nibi nig dil, kiles gil jak midebim. **2** Takaw anib ak nibop agñinek ak, ninjd di wos yibil genimib, God nibop tig asik deb. Pen mel ak, Klays nop gos linepim ak yokip yibil mideb, binib ne ma midebikep.

**3** Takaw awl yibil yad niginek ak, nibop agñinek. Pen takaw anib ak anigel mideb. Chin tap si tap timel gipun tek, Klays chinop nen agil kumak, buk Baybol tikil ginigab agilak tek nep gak. **4** Kumeckamel, ñin omijal nokom midil, tepayan tikjakak, buk Baybol tikil ginigab agilak tek nep gak. **5** Tikjakil misen gek, Pita nop nigak. Nigeck, kidek misen gek, bi Jisas takaw nop dad ameb anep umigan okok nop nigilak. **6** Kidek pen tepayan misen gek, bine anep 500 tek nop nigilak. Bine anib okok, oginap kumilak ak pen, kuñay nep oginap midebal. **7** Kidek ñin olap misen gek, Jemis nop nigak. Ñin olap pen, bi Jisas takaw nop dad ameb okok midupsek nop nigilak.

---

**15:1** Lom 5.2, Gal 1.11    **15:2** Gal 3.4    **15:3** Sng 22.15, Ais 53.5-12, Dan 9.26, Sek 13.7, 1 Ko 11.2, 11.23, Gal 1.12    **15:4** Sng 16.8-10, Mat 12.40, Luk 24.26, 24.46, Apo 2.24-32, 13.33-35    **15:5** Mat 28.16-17, Mak 16.14, Luk 24.34-36, Jon 20.19    **15:7** Luk 24.50, Apo 1.3-4

**8** Pen bi anib okok nop nigliak nin ak apil padikek, kidek misen gek yad abe nop naginek. Ak tek ak yad n̄apay tik tep ma gipal tek olap yenek yip kidek dak. **9** Bi Jisas takaw nop dad ameb nab okok, yad bi tam nib okok tek midebin. Yad God binib ne pelpel apnan gipal okok, kilop gi timel yibil geligipin. Anib ak bi Jisas takaw nop dad ameb olap yenim tek ma lup. **10** God pen yip yimug niñid gitep gek, bine midil, bi ak ke nib tek midebin. Pen God yip yimug niñid gitep gup ak, yokip midil kul ma gup. Bi Jisas takaw nop dad ameb okok wog gipal tek ma gipin, God yip yimug niñid gitep gek, wog awl yibil ak gipin. **11** Anib ak takaw apun ak, yad agñibin akan bi Jisas takaw nop dad ameb oginap agñil nim, chin midupsek Jisas kumil tepayañ tikjakak takaw teplep ak agñibun. Agñon amek, nibi niñid Klays nop gos linepim.

*Klays binib ne pisnep kubal okok tepayañ tikjakinigabal*

**12** Pen Klays kumil tepayañ tikjakak agil takaw pel agñibun ak, nibi oginap titay dil apim, Binib okok kumil tepayañ ma tikjakipal apim? **13** Binib kumil ma tikjakipilap ak, Klays ma tikjakipikop. **14** Pen Klays ma tikjakipikop ak, takaw agñibun ak takaw tek ma lek, Klays nop gos linepek ak, nop gos ma nepikep. **15** Klays ma tikjakipikop, chin God tap gak ak yepis yibil agil, bi yepis agep tek yobinop. Chin takaw misen agñibun, God

---

**15:8** Apo 9.3-6, 22.14, 22.18, 1 Ko 9.1      **15:9** Apo 8.3, 9.1, Gal 1.13, Epe 3.8, 1 Ti 1.13-15      **15:10** Apo 8.3, Lom 15.18-19, 2 Ko 3.5, 6.1, 11.5, 11.23, Plp 2.13      **15:15** Apo 1.22, 2.24-32, 4.10, 4.33, 5.32, 13.30

gek Klays tikjakak agñibun. God pen gek binib kumil ma tikjakep tek lopikop, Klays nop gek ma tikjakipikop. <sup>16</sup> Niñid apun, binib kumil ma tikjakipilap ak, Klays ma tikjakipikop. <sup>17</sup> Pen Klays ma tikjakipikop, Klays nop gos linepim ak tap yokip, binib ne midebim tek ma yebikep. Binib tap si tap timel gil pisnep kubal tek ak yebikep. <sup>18</sup> Pen binib Klays nop chigil kumilak okok abe, am pisnep kul gipilap. <sup>19</sup> Chin Klays nop chigil nim, chinop ditep yibil ginigab agil gos sek kod midobun. Pen lum awl nep midon chinop ditep yibil gipikop, binib yimgeptek okok yobinop. Binib yimgeptek oginap midel, binib okok kilop niñid yimug nepilap ak pen, chin yimgeptek awl yibil midon, binib okok chinop niñid yimug awl yibil nepilap.

<sup>20</sup> Pen anigil ma mideb, mel yibil. Klays kumek God gek tepayan tikjakak. Binib kubal okok, ne ned tikjakak, tap midup wog nab kideyil ned jakup tek. Anib ak tek, God gek binib kubal okok tepayan tikjakinigabal ak, nigtep gipun. <sup>21</sup> Nigim. Bi olap gek binib kumeb tek lup tek, bi olap abe gek binib kumil tikjakep tek lup. <sup>22</sup> Takaw agebin anib ak, binib Adam jij ne ak midebal okok, midupsek ne kumak tek kubal. Anib ak tek nep binib Klays jimñil chig tep gebal okok, kilop midupsek gek tikjakil kim yenigabal agil agebin. <sup>23</sup> Pen kili nokom nokom ñin kili ak ke tikjakinigabal. Klays ne bi ned tikjakak ak. Pen kidek adikid ownigab ñin ak, binib nop yil yenigabal okok gek, midupsek

tikjakinigabal. **24** Tikjakel, kidek lum awl kul ginigab ñin ak ownigab. Ñin anib ak Klays ne kicheki binib okok kilop kod midebal okok sek, kicheki kiles midebal okok sek, kicheki lum awl kod midebal okok sek, kilop midupsek tig jisipuk gi diyokinigab. Aniginigab ak nim, ne binib tap titay kod yenigab okok midupsek, Bapi God nop agek kod yenigab. **25** Chin nopen, Klays ne binonim midil binib tap okok kod midil, mid dad amil, God ne Klays binib tap okok ayip penpen gep okok midupsek kilop tob muk ne okok lek, taw tibikinimuñ. **26** Pen tap timel anib okok midupsek tig jisipuk gi diyokil, kidek kumeb ak abe tig jisipuk gi diyokinigab. **27** Buk Baybol ak tikil agak, God binib tap okok midupsek kilop tob muk ne okok lek, taw tibikinimuñ agil tikak. Pen God ne binib tap okok midupsek kilop Klays tob muk ne okok lup takaw agil tikak anib ak, chin niñid anigil nopen, God ne Klays nop tob muk okok yeñ agil ma tikak. God pen ne ke nokom tap anib okok midupsek Klays nop tob muk okok lup. **28** Pen God ne binib tap okok midupsek kilop Klays tob muk okok linimuñ ñin ak, Klays God Ñine nep mideb ak, ne yad God tob muk okok linim agil, aniginigab. God gek tap okok Klays muk okok midil, Klays ne am God muk okok midil aniginigab ak nim, God ne ke nokom binib tap okok midupsek adek yibil ak kod yenigab.

**29** Pen anib ak nigim. Binib oginap kili binib kubal okok kilop giñinigun agil, ñig pakipal. Tay-

nen anigipal? Anigenigabal, titay dil binib kubal okok kilop giñinigabal? Nibi oginap apim, Binib kubal okok ma tikjakinigabal apim. Ak nim, binib kumil tikjakinigel tek ma yibil lenigab, binib oginap taynen binib kubal okok kilop giñinigun agil, ñig pakipal? <sup>30</sup> Pen chin abe tay dinigun? Chin kumil tikjakep takaw ak pel aj agñon, bi oginap niñid, chinop pel gi timel ginig gipal. Binib pen kumil tikjakinigel tek ma lenigab, taynen anigipun? <sup>31</sup> Mam ay sikop, minek minek yip gi timel ginig gel, yad kumnim tek lup. Yad nib ayip Biawl chin Klays Jisas midobun, anib ak tek nibi anigil midem nigen yip tep gek, takaw anib ak nibop misen apin. <sup>32</sup> Yad taun Epesus midil, bi oginap chen ladek tek yip gi timel yibil gil, ayip penpen ginok. Lum awl gos ak niñid tap oginap dinim agil aniginek akan? Mel yibil. Binib tepayan tikjakinigabal agil aniginek. Binib pen tepayan tikjakinigel tek ma lenigab, takaw olap apal, Tol pisnep kumnigabun, anib ak miñil midobun ñin awl, tap ñibilig ñig ñibilig gi yonigun apal ak, chin niñid kidek ginigun.

<sup>33</sup> Binib nibop yepis aginigel ak, ma yibil niginimb. Takaw anib ak nepim, Binib pel gittep gipal okok, kili binib pel gi timel gipal okok ayip jimñil midil, tap timel adek anib ak nep ginigabal. <sup>34</sup> Gos ke niñid sawl lipim ak kelgil, yipid gil yibil gos niginimb. Pen tap si tap timel gipim ak kelgil, anib okok ma ginimb. Nigim, nibi oginap God

---

**15:30** Lom 8.36, 2 Ko 11.26, Gal 5.11      **15:31** Lom 8.36, 2 Ko 4.10-11, 1 Te 2.19      **15:32** Sav 2.24, Ais 22.13, Luk 12.19-20, 2 Ko 1.8, 4.10-11      **15:34** Apo 26.8, Lom 13.11, 1 Ko 6.5, Epe 5.14, 1 Te 4.5

nop gos ma nepim. Nibi n̄igem nebeñ ginimib tek linigab agil, nibop takaw anib ak agebin.

*Binib tepayan tikjakinigabal okok, wak ke yibil yenigabal*

<sup>35</sup> Pen binib oginap agniñid aginigabal, Binib kubal okok taydil tek tikjakinigabal aginigabal? Mubwak kili ak tay tek yenigabal aginigabal? <sup>36</sup> Nibi binib sawl sek yibil okok. Tap yiñ midup lum ayan yimnigabim ak, ned kumil kuyilig yapıł, kidek nep jakinigab. <sup>37</sup> Pen midup ak, wit midup akan midup olap ke, tap tay midup yimnigabim ak, jak awl gup tek ma yimnigabim. Midup sikol okok nep yimem jakinigab. <sup>38</sup> Pen God gos ne ke niñid, tap yiñ midup okok wak sek yipil sek ñub. Midup keke wak sek yipil sek kili ak keke ñub. <sup>39</sup> Binib, sab chag tap okok abe mubwak keke mideb. Binib okok mubwak ke lup, sab chag okok mubwak ke lup, yawl okok mubwak ke lup, kubsal okok mubwak ke lup. <sup>40</sup> Tap adekab alan yıl okok, kilop keke lup. Tap lum awl yıl okok, kilop keke lup. Tap adekab alan yıl tap teplep anib okok nop ke lup. Tap lum awl yıl tap teplep anib okok nop ke lup. <sup>41</sup> Sub milek tep ak ke midil, takan milek tep ak ke midil, gap milek tep ak ke mideb. Pen gap okok abe, milek tep ak keke mideb.

<sup>42</sup> Binib kumil tikjakipal nim, anib ak tek mideb. Kumel kaw dinigabal wak ak, timel gil pisnep kul gep ak pen, tepayan tikjakinigabal wak ak, pisnep kul gep tek ma yibil linigab. <sup>43</sup> Kumel kaw dinigabal wak ak, timel gil yokip tek midep

ak pen, tepayañ tijkakinigabal wak ak, teplep yibil yenigab. Kumel kaw dinigabal wak ak, kiles ma midep ak pen, tepayañ tijkakinigabal wak ak, kiles timel yibil yenigab. <sup>44</sup> Kumel kaw dinigabal wak ak, lum awl nib owup ak pen, tepayañ tijkakinigabal wak ak, God Kawnan ne ak gek yenigab.

Wak lum awl nib owep ak mideb, anib ak tek chin nopun, God Kawnan ne ak gek wak ak abe yenigab. <sup>45</sup> Buk Baybol abe tikil anib agak, Bi ned nib Adam ak, God ne nop gek konjim yek agil tikak. Pen Adam kidek ak,\* ne ke kawnan ak nim, binib gek konjim midil pelpel midebal. <sup>46</sup> Tap God Kawnan ne nib ak ned ma owup. Mel. Tap lum awl nib ak ned apil, tap God Kawnan ne nib ak kidek apil gup. <sup>47</sup> Bi Adam ned nib ak lum awl nib, God lum dil nop gilak. Bi Adam kideyil ak, ne God man ne alan nib owak. <sup>48</sup> Binib lum awl yil ak, bi lum awl nib tek ak midebal. Pen binib God man ne alan yil ak, bi God man ne alan nib tek ak midebal. <sup>49</sup> Miñil midobun ak, bi lum awl nib yek tek midobun. Anib ak tek nep, kidek bi God man ne alan nib mideb tek ak abe yonigabun.

<sup>50</sup> Pen mam ay sikop, anib ak nibop agebin. Binib lum awl yil ak, kili God binib dil kilop kod yenigab nab ak, am migan ayan yenigel tek ma lup. Binib wak ak kumil kuyilig yowep ak abe, pel pelnep yonimuñ tek ma lup. <sup>51</sup>

**15:45** Stt 2.7, Jon 6.33, 6.39-40, 6.54, 6.63, 2 Ko 3.4-6, 3.17, Plp 3.21

\* **15:45** Bi Adam kidek ak, nim Klays nep. 1 Kolin 15.21-22 ayip, Lom 5.14-19 ayip niginimin. **15:47** Stt 2.7, 3.19, Jon 3.13, 3.31

**15:49** Lom 8.29, 2 Ko 3.18, Plp 3.21, 1 Jo 3.2 **15:50** Mat 16.17, Jon 3.3-5, 1 Ko 6.13 **15:51** Plp 3.21

Nigim. Yad takaw we gup olap aginigebin. Chin midupsek ma kumnigabun ak pen, kumnigabun ayip koñim yonigabun ayip, midupsek wak ke kideyil yonigabun. <sup>52</sup> Ñin anib ak, akil kidek ak pugilig, widin kasek jukil anjilil niginigab tek aniginigab. Akil ak pugek, binib kumnigabun okok tepayan tikjakil, kul gep tek ma linigab. Tikjakilig, binib yonigabun okok ayip, midupsek wak ke kideyil yonigabun. <sup>53</sup> Ak anigil mideb. Binib chech nedil tig asik ke siñak lil, chech kideyil lipal tek, wak chin kuyig yowep ak tig asik ke siñak lil, wak kul gep tek ma linigab ak linigun. Pen wak chin kumeb ak tig asik ke siñak lil, wak pel pelnep yenigab ak linigun. <sup>54</sup> Wak kuyig yowep ak tig asik ke siñak lil, wak kul gep tek ma linigab ak linigabun. Pen wak kumeb ak tig asik ke siñak lil, wak pel pelnep yenigab ak linigabun. Aniginigab ñin ak, buk Baybol takaw tikil agilak tek ginigab. Takaw anib ak tikil agilak,

God ne kumeb ak taw jisipuk gi timel yibil gek, pisnep kul gup agil tikilak. <sup>55</sup> Kumeb ak, kiles nad akal midil, binib okok kilop taw jisipuk gi timel yibil ginimin agil tikilak? Kumeb ak, kiles nad akal midil, binib okok kilop ñage yul dil mid timel ginigabal agil tikilak?

<sup>56</sup> Kumeb ak, ne tap si tap timel gep kiles ak dil anigup. Pen tap si tap timel gep ak, ne takaw Mosis nu kil tikak kiles ak dup. <sup>57</sup> God pen, ne Biawl chin

**15:51** 1 Te 4.15-17    **15:52** Sek 9.14, Mat 24.31, 1 Te 4.16    **15:53**

2 Ko 5.4    **15:54** Ais 25.8, Hib 2.14-15, Lep 20.14    **15:55** Hos 13.14

**15:56** Lom 4.15, 5.13, 6.14, 7.5, 7.13    **15:57** Lom 7.25, 1 Jo 5.4-5

Jisas Klays nop agek apil ch̄inop gek, kiles ne ak dil kumeb ak taw j̄isipuk gobun. Anib ak ninj̄id, God nop tep agobun.

<sup>58</sup> Anib ak tek mam ay mapen yad okok, jak midil kiles gil yenimib. Nib nepim, Biawl wog ne ak pel ḡipim ak, yokip kul ginimun tek ma lup. Anib ak minek minek Biawl wog ne ak kiles gil ginimib.

## 16

*Mani dilitep gem, dad God binib ne oginap sek kilop ñinimib*

<sup>1</sup> Pen God binib ne Jelusalem midebal okok, nibi kilop gos ninj̄id, mani di nan gil ñinigabim takaw ak aginigebin. Klays binib ne pelpel apnan gipal Galesiya plopens okok, kilop mani anigil dilitep ginimib agen ḡilak tek, nibi abe ginimib.

<sup>2</sup> Nibi nokom nokom midupsek, Sande ñin okok midupsek mani titay dipim ak ninj̄id, oginap di nan ginimib. Genimib, mid dad amil kunjay yibil linigab nim, midebim ak amjakinigayn ñin ak, mani piyowil ma ñinigabim. <sup>3</sup> Pen amjakinigayn ñin ak, bi nibi ke nigem tep gek aglinimib okok, kilop mij kil tikinigayn okok ñil agyokinim. Agyoken, kili mani ñinigabim ak sek mij kil tikinigayn ak sek dad Jelusalem amnigabal. <sup>4</sup> Pen yip ameb tek lek, yad ayip amnigabun.

*Pol Kolin binib kilop niginig amnigab*

<sup>5</sup> Pen Masedoniya plopens amnigebin tek, nab anib okok ajil, kidek am midebim ak ninigayn. <sup>6</sup>

---

**15:58** 2 Sto 15.7, 1 Ko 3.8, 2 Pi 3.14, Lep 14.13    **16:1** Apo 24.17,  
Lom 15.25-26, 2 Ko 8.1-9, Gal 2.10    **16:2** Apo 20.7, Lep 1.10    **16:5**  
Apo 19.21    **16:6** Lom 15.24, Tat 3.12

Nib ayip sikol won olap yenim tek lup akan, yad ma nepin. Akan yobup lil takil gup nin ak nib ayip midil, man akal amnig, yip dam kanib nab ak yokem amnigayn. <sup>7</sup> Miñil nibop amil sikol won olap midil niñid ameb ak, yip tep ma gup. Biawl ak yaw agonimun, yad kidek nib ayip tapin yenigayn.

<sup>8</sup> Yad pen taun Epesus awl miden, Pedikos\* nin awl ak apil padikek amnigayn. <sup>9</sup> Taun Epesus anib awl, God ne kanib yip yikek, takaw tep ne ak agñilig wog ne ak kuñay mideb ak gen, binib kuñay Klays yil ownigel tek lup. Pen bi yip yilik nepal okok abe kuñay midebal.

<sup>10</sup> Bi Timoti midebim ak apjakenigab, nop ditep gem, nib ayip midil ma pilikinimuñ. Nigim. Ne yad Biawl anop wog gipin tek nep gup. <sup>11</sup> Anib ak nibi oginap nop bi yokip tek mideb ak agil ma keliginimib. Pen kidek amnig, nop gem midtep gakniñ, dap kanib nab ak yokem midebin awl ownimun. Yad ne ayip mam oginap ayip adikid ownigel agil kod midebin.

<sup>12</sup> Pen mam Apolos nop takaw ak anigil mideb. Yad nop nebneb gilig apin, Mam oginap Kolin amebal tek, ayip amnimin apin ak pen, ne miñil ma yibil amnigayn agil gos nigup. Kidek pen ameb tek lek amnigab.

### *Takaw day won oginap*

---

**16:7** Apo 18.21    **16:8** Wkp 23.15-21, Lo 16.9-11    \* **16:8** Pedikos nin awl ak, Aposel sapta 2 lain 1 takaw agñeb ak niginimin.    **16:8** Apo 19.8-10    **16:9** Apo 14.27, 19.8-10, 2 Ko 2.12, Kol 4.3, Lep 3.8  
**16:10** 1 Ko 4.17    **16:12** 1 Ko 1.12, 3.6

**13** Nigtep gil yenimib. Klays nop kiles gil gos linigilig yenimib. Kiles timel yibil midil, tap olap ma yibil pilikinimib. **14** Tap okok midupsek ginigabim ak, mapen lep adek ak gem amnimun.

**15** Mam ay sikop. Nib nepim, binib Akaya plopens nib ak Klays nop dilak okok, Stepanas ayip binib ne ayip kili Klays nop ned dilak. Dil nim, kili ke binib God yil okok kilop giñinigun agil, ditep gilig nep midebal. Anigel, nibop kiles gil agnijid agebin, **16** binib tep anib okok tek ninjid, aginigel tek nep kidek ginimib. Pen binib wog anib ak tek gil, wog ayip kiles gipal okok, kilop abe ninjid, aginigel tek nep kidek ginimib.

**17** Pen nibi apil yip niginimib tek ma lek, Stepanas ayip, Potunatus ayip, Akaykus ayip apil yip nepal anib ak, yip tep gup. **18** Anigel, yad gos sek kimigel midtep gipin, nibi abe gos sek kimigel midtep gipim. Anib ak bi anib okok tek, bi tep yibil midebal agil, takaw aginigel ak niginimib.

**19** Klays binib ne Esiya plopens midebal okok, kili nibop ag dideg lebal. Akwila bin ne Plisila sek, Klays binib ne kal nili pelpel apnan gipal okok sek, kili nib ayip Klays Jisas yil midobun agil, nibop ag dideg lebal. **20** Mam ay midebal awl midupsek, kili nibop ag dideg lebal. Chin God binib ne pel gipun tek, nibi miñmiñ gilig penpen ñin pak sakinimib.

**21** Yad Pol, takaw day won awl ñin midup yad ke tikil, nibop ag dideg lebin.

**16:13** Sng 31.24, 1 Ko 15.1, Epe 6.10, Plp 1.27, Kol 1.11, 1 Te 5.6

**16:14** 1 Ko 14.1, 1 Pi 4.8      **16:15** Lom 16.5, 1 Ko 1.16      **16:16**

1 Te 5.12      **16:18** Plp 2.29      **16:19** Apo 18.2, 18.18, 18.26, Lom 16.5, 2 Ti 1.15      **16:20** Lom 16.16, 2 Ko 13.12      **16:21** Kol 4.18, 2 Te 3.17

**22** Binib an Biawł ak nop mapen ma lil nim, mab ke yineb ayan p̄isnep amnīmuñ. Biawł ak, nad ownim̄in.

**23** Biawł Jisas ne nibop yimug niŋid git̄ep gin̄imuñ.

**24** Yad nib ayip Klays Jisas yil midon, nibop midupsek mapen lipin.

## **Jisas Klays Takaw Teplep Ne Tay New Testament**

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source files dated 29 Jan 2022

24d09cce-9a93-523a-afa5-7b091c264cee